

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ  
ԻՆՆԵՐՈՐԴ ՈՒՂԵՎՈՐՈՒԹՅՈՒՆԸ ԱՐՏԱՍԱՀՄԱՆ

ՎԵՀԱՓԱՌ ՀԱՅՐԱՊԵՏԻ ՄԵԿՆՈՒՄԸ ՀՈՌՄ

Մայր Աթոռի և Վատիկանի միջև կատարված փոխադարձ թղթակցությունների հիման վրա **Վեհափառ Հայրապետը** պաշտոնական այցելություն տվեց **Հռոմ՝ Սրբազան Քահանայապետին**, սույն թվի մայիսի 8—12-ը:

Այս առթիվ **Հայոց Հայրապետը** փետրվարի 9-ին մասնավոր առաքելությամբ **Վատիկան** ուղարկեց Արևմտյան Եվրոպայի հայրապետական պատվիրակ և Ֆրանսիայի հայոց թեմի առաջնորդ **տ. Սերովբե արքեպ. Մանուկյանին** և ԱՄՆ-ի Ազգային եկեղեցիների խորհրդի մոտ հայ եկեղեցու ներկայացուցիչ **տ. Մամբրե քահանա Գուգուչյանին՝** Վատիկանի ներկայացուցիչների հետ կազմելու համար Իր առաջիկա այցելության ծրագրի նախագիծը:

Մարտի սկզբներին **Սերովբե արքազանը** եղավ **Վատիկանում**: Իր առաքելությունը կատարելուց հետո ժամանեց Մայր Աթոռ և **Հայոց Հայրապետին** ներկայացրեց ծրագրի նախագիծը ի վավերացումն:

Ամեն ինչ պատրաստ էր, և **Վեհափառ Հայրապետը** սույն թվի մայիսի 3-ին մեկնեց **ս. Էջմիածնից**:

Դեպի **Հռոմ Ամենայն Հայոց կաթողիկոսի** այցելության առթիվ հայրապետական շքախմբի կազմում էին՝

Երուսաղեմի հայոց պատրիարք **տ. Եղիշե արքեպ. Տերտերյանը.**

Կ. Պոլսի հայոց պատրիարք **տ. Շնորհք արքեպ. Գալստյանը.**

Մայր տաճարի լուսարարապետ, Հնդկաստանի և Ծաղրագույն Արևելքի հայրապետական պատվիրակ **տ. Հայկազուն արքեպ. Աբրահամյանը.**

Արևմտյան Եվրոպայի հայրապետական պատվիրակ **տ. Սերովբե արքեպ. Մանուկյանը.**

Անգլիայի հայոց հայրապետական պատվիրակ **տ. Պսակ արքեպ. Թումայանը.**

Միացյալ Նահանգաց արևելյան թեմի առաջնորդ **տ. Թորգոմ արքեպ. Մանուկյանը.**

Հարավային Ամերիկայի հայրապետական պատվիրակ **տ. Բարզեն արքեպ. Ապատյանը.**



## VISITA DI VASKEN I A PAOLO VI

Ս. Պետրոս տաճարում միատեղ աղոթքի ծրագիր

Իտալիայի հայոց հոգևոր հովիվ **տ. Զոհն եպս. Տեր-Հակոբյանը.**

Երուսաղեմի հայոց պատրիարքության դռան **եպս. Շահե Աճեմյանը.**

Հայոց Հայրապետի գավազանակիր **տ. Նարեկ վրդ. Շաքարյանը.**

ԱՄՆ-ի Ազգային եկեղեցիների խորհրդի մոտ հայ եկեղեցու ներկայացուցիչ **տ. Մամբրե քհն. Գուգույանը.**

Մայր Աթոռի միջեկեղեցական հարաբերությունների բաժնի ընդհանուր քարտուղար և Վեհափառ Հայրապետի թարգման **Պարզև Շահբազյանը:**

**Մայիսի 3-ին, կիրակի օրը,** երեկոյան ժամը 17-ին, **Երևանի** օդանավակայանում **Հայոց Հայրապետին** ճանապարհեցին Մայր Աթոռի միաբանության, Գերագույն հոգևոր խորհրդի անդամները, պաշտոնեությունը, Երևանի քահանայից դասը և այլ պաշտոնական անձինք:

**Հայոց Հայրապետին** բարի ճանապարհ մաղթեց նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ **Սուրեն Հովհաննիսյանը:**

**Մայիսի 6-ին, չորեքշաբթի օրը,** Մոսկվայի Շերեմետևոյի օդանավակայանից դեպի Միլան **Հայոց Հայրապետին** ճանապարհեցին Ռուսաստանի և

Հյուսիսային Կովկասի հայոց ստաջնորդ տ. Պարզև եպս. Գևորգյանը, հայ եկեղեցական խորհրդի անդամները և այլ պաշտոնական անձինք:

Հայոց Հայրապետին ճանապարհեցին նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Մակարցևը և ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը:


#### ՎԵՀԱՓԱՌԻ ՀԱՅՐԱՊԵՏԻ ԺԱՄԱՆՈՒՄԸ ՄԻՒԱՆՈ

Մայիսի 6-ին, չորեքշաբթի օրը, երեկոյան, Վեհափառ Հայրապետը Մայր Աթոռից Իրեն ընկերակցող շքախմբի անդամների հետ ժամանում է Միլանոյի միջազգային օդանավակայանը: Հայոց Հայրապետը պաշտոնապես դիմավորվում է Միլանոյի հայ համայնքի ազգային-եկեղեցական իշխանության



Հիշատակ սրբուհի Թերեզա Կուղերի կանոնականացման արարողությունից  
ս. Պետրոս տաճարում

մերկայացուցիչների և Միլանո ժամանած հայրապետական շքախմբի պաշտոնական և պատվո շքախմբի մի խումբ հոգևորական և աշխարհական անդամների կողմից՝ գլխավորությամբ Իտալիայի հայոց հոգևոր հովիվ տ. Զգոն



Հոռմ. Պրիսչիլյան գեղմափոր դամբարաններ

**Էպիսկոպոսի:** Հայոց Հայրապետը հրաշափառով մտաք է գործում Միլանոյի հայոց ս. Քառասուն մանկանց եկեղեցին, ուր օրհնում է բոլոր ներկաներին: Հայոց Հայրապետը առաջնորդվում է Միլանոյի «Էքսելսյոր Գալլիա» հյուրանոցը, որտեղ մի փոքր հանգստանալուց հետո ընդունում է մի շարք այցելություններ, այդ թվում Վահրամ Դավիթյանցի՝ Թեհրանից, Անդրանիկ Ծառուկյանի՝ Բեյրութից, Վահրամ Մավյանի՝ Լիսաբոնից, և հունահայ թեմական խորհրդի անդամների:

Մայիսի 7-ին, հինգշաբթի օրը, Վեհափառ Հայրապետի հյուրանոցի հարկաբաժնում տեղի ունեցավ հանդիպում և ապա խորհրդակցություն Միլանո ժամանած երկու սրբազան պատրիարքների և շքախմբի մյուս բարձրաստիճան հոգևորականների հետ 1969 թ. էպիսկոպոսական ժողովի օրակարգի առկախ մնացած մի շարք հարցերի շուրջ:


Նույն օրը Վեհափառ Հայրապետը ընդունեց նաև բազում պաշտոնական այցելություններ:



Հոռմ. Հոռմեական անտիկ շրջանի կոթող՝ Հայաստանի դեմ հոռմեացիների մղած պատերազմների առթիվ

#### ՎԵՀԱՓԱՌ ՀԱՅՐԱՊԵՏԻ ԺԱՄԱՆՈՒՄԸ ՀՌՈՄ

Մայիսի 8-ին, ուրբաթ օրը, հետմիջօրեի ժամը 16-ին, Ամենայն Հայոց Վեհափառ Հայրապետը ժամանում է Հոռմի «Լեռնարդո դա Վիմչի» միջազգային օդանավակայանը՝ ընկերակցությամբ երկու սրբազան պատրիարքների և շքախմբի անդամ արքեպիսկոպոսների և պատվո հյուրերի:



ՄԻԳԻՍՏԻՆՑԻՆՆԵՆ ՄԱՏՈՒՐ. ՎԵՂԱԹԱՆԻ ՀԱՅՐԱՊԵՏԸ ԱՆՈՐԻՈՒՄ Է ԻՐ ԽՈՍԿԸ



Օդանավակայանում **Հայոց Հայրապետին**, հանուն **Սրբազան Քահանայապետ Պողոս Զ-ի**, դիմավորում են Վատիկանի Քրիստոնյաների միության քարտուղարության նախագահ **կարդինալ Ժ. Մ. Վիլլբրանտը**, Վատիկանի Պետական քարտուղարության նախագահի տեղակալ **Բենեդիկտ արքեպիսկոպոսը**, Վատիկանի Հանրային գործերի քարտուղար **Կասարոյի արքեպիսկոպոսը**, Լիբանանի հայ կաթողիկե համայնքի պատրիարք **Իզնատիոս Պետրոս Պաթանյանը** և բազում այլ պաշտոնական անձնավորություններ:

Օդանավակայանի պաշտոնական հյուրերին հատկացված հարկարածումում **Հայոց Հայրապետը** հայ և օտար մամուլի, ռադիոյի և հեռուստատեսության թղթակիցներին անում է մի հակիրճ հայտարարություն՝ **Հոռո** Իր այցելության կապակցությամբ: Այնուհետև **Հայոց Հայրապետը** պաշտոնական շքերթով, պատվո ռուսիկանական ջոկատի սուսջնորդությամբ մուտք է գործում Վատիկան, ուր նրան որպես բնակության վայր տրամադրվել էր **ս. Հովհաննեսի** հնադարյան աշտարակը:

Այս պատմական աշտարակի շքամուտքի սուսջ **Հայոց Հայրապետին**, հանուն **Սրբազան Պապի**, դիմավորում են **Ժակ Մարտեն արքեպիսկոպոսը** և **մարկիզ Դոն Զոլիո Սակերտին**:

Երուսաղեմի և Կ. Պոլսի սրբազան պատրիարքները նույնպես հյուրընկալվում են սույն աշտարակում, իսկ շքախմբի մյուս բարձրաստիճան հոգևվորականները՝ Վատիկանի «Կոլոմբուս» հյուրանոցում:

Բացի Վեհափառ Հայրապետի շքախմբի անդամներից, Հոռոմի հանդիսություններին ներկա գտնվեցին ախյուրքահայ եկեղեցական և աշխարհական հանրաժանութ անձնավորություններ՝ **Իտալիայից, Ֆրանսիայից, Ավստրիայից, Անգլիայից, ԱՄՆ-ից, Լիբանանից** և **Կիպրոսից**:

#### ՀԱՅՈՑ ՀԱՅՐԱՊԵՏԸ Ս. ՊԵՏՐՈՍ ՄԱՅՐ ՏԱՃԱՐՈՒՄ


**Մայիսի 8-ին**, ուրբաթ օրը, երեկոյան ժամը 18-ին, **Հայոց Հայրապետը** Իր շքախմբի անդամների և **կարդինալ Վիլլբրանտի** ողեկցությամբ, հանդիսավորապես սուսջնորդվում է դեպի ս. Պետրոս պատմական Մայր տաճարը:

Մայր տաճարի մեծ դռան շքամուտքի սուսջ **Հայոց Հայրապետին** դիմավորում է տաճարի ալագերեց **կարդինալ Մարելյան**, որը, հանուն **Սրբազան Պապի**, բարիգալատյան ողերձով ողջունում է **Հայոց Հայրապետի** ժամանումը:

Մայր տաճարի հոգևորականաց դասը, զգեստավորված, **Հայոց Հայրապետին** սուսջնորդում է դեպի տաճար: Հայ հոգևորականաց խումբը երգում է հրաշափառը: **Հայոց Հայրապետը** և շքախմբի հոգևորական անդամները իրենց ուխտն ու աղոթքն են կատարում տաճարում և ապա այցելում ս. Պետրոս սուսքայի պատմական դամբարանը, այնուհետև տաճարի գետնահարկը, ուր մանրամասն բացատրություններ են տալիս հնագետ-պատմաբանները:

Երեկոյան ժամը 20-ին **Հայոց Հայրապետի** բարձր պատվին **Վատիկանի «Կոլոմբուս»** հյուրանոցում պաշտոնական ճաշկերույթ է տալիս Վատիկանի Պետական քարտուղար **կարդինալ Ժան Վիլլոն**:

Ընդունելությանը ներկա են լինում հայ և օտար բազում պաշտոնական անձնավորություններ: Ընդունելության ժամանակ **կարդինալ Վիլլբրանտը** ջերմորեն ողջունում է հայ եկեղեցու գերագույն Պետի՝ **Ամենայն Հայոց Հայրապետի** պատմական այցը ի **Հոռո**:



ՄԻԳԻՍՏՐԻՑԱՆ ՄԱՏՐՈՆ ՄԵՋ ՄԻԱՏԵՆԻ ԱՂՈՒԹՅՈՒ ՊԱՀ



Հրամեշտի պահ Վատիկանում

**Հայոց Հայրապետը** արտասանում է պատասխան ողջույնի և օրհնության խոսք:

ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՊԱՏՄԱԿԱՆ ՀԱՆԴԻՊՈՒՄԸ  
ԵՎ ՈՂՋԱԳՈՒՐՈՒՄԸ ՀՌՈՄԻ ՍՐՔԱԶԱՆ ՊԱՊԻ ՀԵՏ

**Մայիսի 9-ին, շաբաթ օրը**, առափոռյան ժամը 10.30-ին, **Վատիկանի** «Կորտիլե Սան Դամասո» պալատական շքեղ դահլիճում տեղի է ունենում **Հռոմի Սրբազան Քահանայապետի** և **Ամենայն Հայոց Հայրապետի** հանդիպումը և եղբայրական ողջագուրումը:

Սույն պատմական հանդիպմանն ու ողջագուրմանը ներկա են Երուսաղեմի և Կ. Պոլսի հայոց սրբազան պատրիարքները, շքախմբին մաս կազմող մյուս բարձրաստիճան հոգևորականները և պատվո հյուրերը, ինչպես նաև կարդինալներ, կաթոլիկ եկեղեցու արքեպիսկոպոսներ ու եպիսկոպոսներ:

Երկու քույր եկեղեցիների հոգևոր պետերը եկեղեցական թափոքով առաջնորդվում են դեպի Սիբաստիայան հուշակավոր մատուռը և խորանի առաջ բազմում իրենց հայրապետական զաների վրա:

Աջակողմյան դատում իրենց տեղերն են գրավում սրբազան ծիրանավորներն ու արքեպիսկոպոսները, իսկ ձախակողմյան դատում՝ հայոց երկու սրբազան պատրիարք հայրերը և շքախմբի մյուս անդամները: Մատուռը լիքն է հայ և իտալացի հավատացյալների խտուներամ բազմությամբ:


Այս հանդիսավոր առիթով Վատիկանի կողմից հատկապես պատրաստվել էր երկու Հայրապետների հանդիպմանն ու ողջագուրմանը նվիրված սրբազան արարողությունների լատիներեն և հայերեն լեզուներով մի ողեցույց-գրքույկ՝ զարդարված հայկական մանրանկարչության գեղատիպ և գունավոր նմուշներով:

Եկեղեցական արարողության ավարտին **Ամենայն Հայոց Հայրապետը**, հանուն Հայաստանյայց առաքելական եկեղեցու և պատմական կենտրոն Մայր Աթոռ ս. Էջմիածնի, ողջունում է Հռոմի **Սրբազան Քահանայապետին**՝ Իր ողջույնի խոսքի մեջ շեշտելով քրիստոնեական եկեղեցիների համագործակցությունը Էկումենիկ ոգով՝ ի խնդիր նաև աշխարհի խաղաղության պահպանման:

**Հայոց Հայրապետի** ողջույնի խոսքի ֆրանսերեն թարգմանությունը կարդում է **տ. Ծահե եպս. Աճեմյանը**:

Հռոմի **Սրբազան Քահանայապետը** իր ողջույնի և բարիգալստյան պատասխան խոսքում վեր է հանում **Հայոց Հայրապետի** պատմական այս այցելության հոգևոր բացառիկ նշանակությունը և շեշտում ի պաշտպանություն քրիստոնեական հավատքի և քաղաքակրթության հայ ժողովրդի և հայ եկեղեցու դարավոր պայքարը: Այնուհետև բեմի վրա տեղի է ունենում երկու հայրապետների ի Բրիտոս սիրո և եղբայրության արտառուջ ողջագուրումը՝ ներկաների խանդավառ ծափերի տակ:

Սիբաստիայան մատուռն կամարների ներքո վեհ ու հաղթական հնչում է հայ եկեղեցու հիմնը՝ «Ուրախ լեր, սուրբ եկեղեցի», մինչ եկեղեցական թափոքը երկու Քահանայապետերին առաջնորդում է դեպի Վատիկանի պալատի սրահներից մեկը, որտեղ **Հայոց Հայրապետը Սրբազան Պապին** է ներկայացնում Իր շքախմբի անդամներին: Փոխադարձաբար **Սրբազան Պապն** էլ **Հայոց Հայրապետին** է ներկայացնում կարդինալներին և բարձրաստիճան հոգևորականներին:



Հոռմ. Վեհափառ Հայրապետը Լոնկյան վարժարանում

Նույն օրը, հետմիջօրեի ժամը 16-ին, հանուն Հայոց Վեհափառ Հայրապետի, **տ. Ծնորհք սրբազան պատրիարքը** այցելում է **ս. Պողոսի տաճարը**, գետնափոր շիրիմը, ապա արքայարանի հյուրասրահը, ուր արքայարանի մեծավորը բարիգալստյան ճառով ողջունում է սրբազան պատրիարքին և նրան ընկերակցող անձանց: **Տ. Ծնորհք պատրիարքը** Հայոց Հայրապետի ողջուններն ու օրհնություններն է հաղորդում տաճարի արքանորը և նրա միաբանությանը: Փոխանակվում են հուշանվերներ:

Ավելի ուշ, երեկոյան ժամը 17-ին, **տ. Ծնորհք պատրիարքը**, հանուն Վեհափառ Հայրապետի, այցելում է **ս. Հովհաննես Լատրան տաճարը**, ուր նրան դիմավորում է տաճարի ավագերեց 90-ամյա **կարդինալ Մազելյա Ալոիզան:**

**ՊԱՇՏՈՆԱԿԱՆ ԾԱԹԿԵՐՈՒՅԹ՝ Ի ՊԱՏԻՎ ԱՄԵՆԱՅՆ  
ՀԱՅՈՑ ՀԱՅՐԱՊԵՏԻ**

**Մայիսի 9-ին, շաբաթ օրը**, երեկոյան ժամը 20-ին, **կարդինալ Վիլբրանտսը**, ի պատիվ Ամենայն Հայոց Հայրապետի, պաշտոնական ընդունելություն է կազմակերպում «Կոլոմբուս» հյուրանոցի ճաշասրահում: Ներկա են լինում բազում հրավիրյալներ՝ շուրջ 150 հոգի: **Կարդինալ Վիլբրանտսը** բարիգալստյան սրտագին մի ճառով ողջունում է **Հայոց Հայրապետի** ներկայությունը: Բոլոր ներկաները ջերմորեն լսում են նաև **Ամենայն Հայոց կաթողիկոսի** սիրո և օրհնության պատասխան խոսքը: Ընդունելությանն ավարտին **կարդինալ Վիլբրանտսը Հայոց Հայրապետին** է ներկայացնում բոլոր օտար հյուրերին, իսկ **Հայոց Հայրապետը՝** Իր շքախմբի անդամներին:

**ՔԱՀԱՆԱՅԱՊԵՏԱԿԱՆ ՀԱՆԴԻՍԱՎՈՐ ՊԱՏԱՐԱԳ Ս. ՊԵՏՐՈՍ  
ՄԱՅՐ ՏԱԾԱՐՈՒՄ**

**Մայիսի 10-ին, կիրակի օրը**, առավոտյան ժամը 9.30-ին, Հոռմի **Սրբազան Քահանայապետը** հանդիսավոր պատարագ է մատուցում **ս. Պետրոս Մայր տաճարում:**

Ս. պատարագին ներկա են լինում **Հայոց Հայրապետը**, սրբազան պատրիարքները, հայրապետական շքախմբի անդամները, պատվո հյուրեր, հայ և օտար շուրջ 40 հազար ուխտավորներ ու հավատացյալներ: Քահանայապետական հանդիսավոր պատարագին ներկա են նաև Վատիկանի մոտ դիվանագիտական մարմնի ներկայացուցիչներ, ինչպես նաև Ֆրանսիայի ներքին գործերի մինիստր **պրն. Մարսելենը՝** 2000 ֆրանսիացի ուխտավորներով: Ս. պատարագի ընթացքում այդ օրը պիտի կանոնականացվեր սրբուհի Թերեզա Կոլդերը: Ս. Պետրոս Մայր տաճարի աջակողմյան դասում հայրապետական Իր գահի վրա բազմել էր **Հայոց Հայրապետը՝** շրջապատված սրբազան պատրիարքներով և արքեպիսկոպոսներով: Սուրբ խորանին մոտենալիս **Սրբազան Պապը** ողջունում է **Ամենայն Հայոց Հայրապետին:** «Ողջունի» ժամանակ **կարդինալ Վիլբրանտսը**, որն սպասարկում էր **ս. սեղանին**, մոտենում է **Հայոց Հայրապետին** և Նրան ու հայոց երկու սրբազան պատրիարքներին է փոխանցում սուրբ պատարագի ողջույնը:

Պատարագիչ **Սրբազան Քահանայապետը** պատարագի վերջում իր բարոզի մեջ խոսելուց հետո սրբուհի Թերեզա Կոլդերի սրբակենցաղ կյանքի և առաքելական գործունեության մասին, ողջունում է նաև **Ամենայն Հայոց Հայրապետի** ներկայությունը:

Ապա Սրբազան Պապի հրավերով **Հայոց Հայրապետը** կարդինալների



Վենետիկ. Ս. Մարկոսի հրապարակում

ողնկցությանը բարձրանում է ս. սեղան, ուր երկու Հայրապետները փոխանակում են քրիստոնեական եղբայրության սուրբ համբույրը: Այդ պահին **Սրբազան Պապը**, ի հիշատակ սուրբ համբույրի և ի նշան եղբայրական սիրո, Իր քահանայապետական թանկարժեք մատանին անցկացնում է **Ամենայն Հայոց Հայրապետի** մատը: Ապա եկեղեցու երկու հոգևոր պետերը, ձեռք-ձեռքի բռնած, իջնում են ս. Սեղանից և հանդիսավոր թափոթի գլուխն անցած՝ բաշխում իրենց օրհնություններն ու ողջույնները բազմահազար հավատացյալներին, մինչ տաճարի մեջ թնդում էին արտագին ծափողջույններ:

Ավելի ուշ **Սրբազան Քահանայապետը**, որպես օրվա հուշանվար, **Ամենայն Հայոց Հայրապետին** է ուղարկում ս. պատարագի գինով լիքը երկու գեղեցիկ տակաոսկներ:

#### ԸՆԴՈՒՆԵԼՈՒԹՅՈՒՆ՝ Ի ՊԱՏԻՎ ՀԱՅՈՑ ՀԱՅՐԱՊԵՏԻ

**Մայիսի 10-ին, կիրակի օրը**, հետմիջօրեի ժամը 14-ին, Հոռնի Լևոնյան վարժարանի ընդունելությանը դահլիճում կարդիմալ **Գրիգոր Պետրոս Աղաջանյանը Ամենայն Հայոց Հայրապետի** և Նրա շքախմբի պատվին ճաշկերույթ է տալիս, որին ներկա են լինում բազում հրավիրյալներ, այդ թվում նաև ազգային ծանոթ դեմքեր, մտավորականներ, թղթակիցներ՝ շուրջ 150 հոգի:

Ընդունելության ժամանակ կարդիմալ **Աղաջանյանը** ողջունում է **Ամենայն Հայոց Հայրապետի** օրհնաբեր ներկայությունը կրթական այս հարկի տակ, որին պատասխանում է **Վեհափառ Հայրապետը** օրհնության և շնորհակալության խոսքով: Վարժարանի սաները կատարում են մի շարք հայկական ժողովրդական խմբերգեր: Ծաշկերույթը սկսվում և ավարտվում է **Հայոց Հայրապետի** օրհնությանը և աղոթքով: Այնուհետև **Ամենայն Հայոց կաթողիկոսը** հանդիպում է ունենում Լևոնյան վարժարանի ուսանողության հետ՝ տալով Իր պատգամն ու օրհնությունը: Ի հուշ Իր այցելության **Հայոց Հայրապետը** վարժարանի տեսուչ **տ. Ներսես ծ. վրդ. Սեթյանին** է հանձնում ս. Էջմիածնի Մայր տաճարի մեծադիր գունավոր լուսանկարը, իսկ ժառանգավորներին՝ Էջմիածնի կրծքանշաններ: Տեսչի ստաջնորդությամբ **Ամենայն Հայոց Հայրապետը**, այցելելուց հետո դպրոցի հարկաբաժինները, գրադարանը, մատուռը, հրաժեշտ է առնում և վերադառնում Իր բնակավայրը:


#### ՀԱՆԴՈՒՊՈՒՄ ԻՏԱԼԱՀԱՅ ՀԱՄԱՅՆՔԻ ԱՆԴԱՄՆԵՐԻ ՀԵՏ

**Մայիսի 10-ին, կիրակի օրը**, երեկոյան ժամը 20-ին, **Վեհափառ Հայրապետը** Վատիկանի «Կանչելլարիա» պալատի դահլիճում հանդիպում է ունենում իտալահայ համայնքի և այդ օրերին Հոռն ժամանած սփյուռքահայ ավելի քան չորս հարյուր ուխտավորների հետ, որոնք եկել էին ողջունելու **Հայոց Հայրապետին** և ստանալու Նրա օրհնությունները:

Հանուն իտալահայ համայնքի **տ. Զգոն եպիսկոպոսը** և հանուն Եվրոպայի հայության **տ. Սերովբե արքեպիսկոպոսը** բարիգալատյան ողերձներով ողջունում են **Հայոց Հայրապետի** շնորհաբեր ներկայությունը իր հարազատ ժողովրդի ծոցում: **Վեհափառ Հայրապետը**, խորապես զգացված, Իր օրհնությունն է տալիս բոլորին և Մայր Աթոռ ս. Էջմիածնի ու մայր հայրենիքի լուրերով խանդավառում բոլոր ներկաների հայրենակարոտ սրտերը:

Հանդիսության ավարտին բոլոր ներկաները աջահաբույրով իրենց որդիական սերն ու հարգանքն են մատուցում **Հայոց Հայրապետին**:





Վեներաբլ. Վախախառ Հարրապետը Մարադ-Ռաֆայելյան վարժարանի ուսանողության հետ

## ԱՌԱՆՁԻՆ ՏԵՍԱԿՑՈՒԹՅՈՒՆ

**Մայիսի 11-ին, երկուշաբթի օրը, առավոտյան ժամը 11-ին, Սրբազան Պապի** առանձնասենյակում առանձին հանդիպում և տեսակցություն է տեղի ունենում **Ամենայն Հայոց Հայրապետի** և **Սրբազան Քահանայապետի** միջև: Տեսակցությունից առաջ **Հայոց Հայրապետին**, հանուն Հոռոմի Պապի, ողջունում են Նորին Սրբության խորհրդականներ **մոնսենյոր Մարտինին, Տրավիան** և **Վան Լիերդեն**, որոնք Նրան առաջնորդում են Սրբազան Պապի անձնական գրադարանի դահլիճը: Այստեղ **Հայոց Հայրապետին** միանում են Երուսաղեմի և Կ. Պոլսի հայոց սրբազան պատրիարքները՝ **Կարդինալներ Վիլյոյի** և **Վիլբրանտսի** հետ, ինչպես նաև հայ բարձրաստիճանի հոգևորականները:

Հայրապետական շքախմբի աշխարհական պատվո անդամները սպասում էին փոքր զահասրահում:

**Տ. Տ. Վազգեն կաթողիկոսի** և **Ն. Սրբություն Պողոս Զ Պապի** առանձին տեսակցությունը տեղի է ունենում պապական առանձնասենյակում: Տեսակցությունը տևում է 40 րոպե: Այնուհետև **Ամենայն Հայոց Հայրապետը** և **Սրբազան Պապը** միասնաբար ուղղվում են դեպի Պապի անձնական գրադարանի ընդարձակ դահլիճը, որտեղ **Սրբազան Քահանայապետը** ողջագուրվում է Երուսաղեմի և Կ. Պոլսի հայոց սրբազան պատրիարքների և հայրապետական շքախմբի մյուս հոգևորական անդամների հետ: **Հայոց Հայրապետն** էլ Իր հերթին ողջագուրվում է հանդիպմանը ներկա եղող կարդինալների և արքեպիսկոպոսների հետ: Ապա **Ամենայն Հայոց Հայրապետը** գրավոր մի ճառով ողջունում է **Սրբազան Պապին**, որին ի պատասխան **Սրբազան Քահանայապետը** կարդում է իր ողջույնի խոսքը:

Պաշտոնական այս ճառերից հետո երկու հոգևոր Պետերը խանդավառ ու հանդիսավոր մթնոլորտում փոխանակում են հուշանվերներ պատմական այս հանդիպման առիթով: Սրբազան Պապին նվերներ են մատուցում նաև Երուսաղեմի և Կ. Պոլսի հայոց պատրիարքները: Բոլոր ներկաների միջև տեղի է ունենում եղբայրական ջերմ գրույց՝ արտագին մթնոլորտում:

Նվերների փոխանակումից հետո երկու հոգևոր Պետերը միասին մտք են գործում պապական փոքր զահասրահը: Այստեղ **Սրբազան Քահանայապետը** սիրով և ջերմությամբ ողջունում է զանազան երկրներից եկած ծանոթ ազգայիններին, որոնք մեկ առ մեկ ներկայացվում են Իրեն, աջահամբույրով ստանում են **Սրբազան Պապի** օրհնությունը: **Սրբազան Քահանայապետը** առանձին-առանձին հետաքրքրվում է յուրաքանչյուրով և հայրաբար գրուցում նրանց հետ: Վերջում **Հայոց Հայրապետը** հրամեջտ է ստնում **Սրբազան Քահանայապետից** և պաշտոնական շքերթով առաջնորդվում Իր բնակավայրը:

## Ա Յ Ց Ե Լ ՈՒ Թ Յ ՈՒ Ն Ն Ե Ր

Նույն օրը, երեկոյան ժամը 17-ին, **Ամենայն Հայոց Հայրապետը** երկու սրբազան պատրիարքների ընկերակցությամբ և շքախմբի անդամներով այցելում է **Պրիսչիլլայի** վանքը և գետնափոր դամբարանները, որտեղ **Հայոց Հայրապետին** ընդունում են սաղմոսերգությամբ և հանդիսավորապես վանքի մեծավորուհին և կրոնավորուհիների ողջ խումբը: Վանքի մատուռում տեղի է ունենում պատշաճ աղոթք և հանդիսություն:

Ավելի ուշ, ժամը 19-ին, նույն հանդիսավորությամբ **Վեհափառ Հայրապետը** այցելում է ս. Մարիամ Աստվածածին պատմական Մայր տաճարը:




ՀԱՅԿԱԿԱՆ ՈՍԿԵԶՈՒՅՍ, ԽԱՉ. ՎԵՀԱՓԱՌԻ ՀԱՅՐԱՊԵՏԻ ՆՎԵՐԸ ՍՐԲԱԶԱՆ  
ՔԱՀԱՆԱՅԱՊԵՏԻՆ



ՄԵԾԱԴԻՐ ԵՌԱՓԵՂԿ ՍՐԱՆԿԱՐ. ՍՐԱՋԱՆ ՔԱՀԱՆԱՑԱՊԵՏԻ ԿՎԵՐԸ ԱՄԵՆԱՅՆ  
ՀԱՅՈՑ ՀԱՅՐԱՊԵՏԻՆ

Տանարի շքամուտքի առաջ ավագերեց կարդինալ Կառլո Կոնֆալոնիերին, ի գլուխ իր հոգևորականների, եկեղեցական թափոքով ընդունում է Հայոց Հայրապետին և առաջնորդում Նրան դեպի Մայր տանար: Ծքախմբի անդամները երգում են «Ուրախ լեր, սուրբ եկեղեցի» շարականը:

Այնուհետև Վեհափառ Հայրապետը այցելում է Դոն Ասարեան Կորնուա իշխանի համբավավոր պալատը, որտեղ «Հոռմի շրջանակ» կոչված մտավորականների ընկերակցությունը, ի պատիվ Հայոց Հայրապետի, կազմակերպում է շքեղ ընդունելություն, որին ներկա են լինում նաև Վատիկանի մոտ հավատարմագրված դիվանագիտական մարմնի ներկայացուցիչներ, դեսպաններ, իշխաններ, պաշտոնական այլ անձնավորություններ՝ շուրջ 100 հոգի: Սույն ընդունելությանը ներկա էին հայրապետական շքախմբի բոլոր հոգեվորական և աշխարհական անդամները, վերջինները՝ իրենց հարգելի տիկիներով:



Վեհեփառ. Մուրադ-Ռաֆայելյան վարժարանի երգչախումբը

Պալատի շքամուտքի առաջ Ամենայն Հայոց Հայրապետին դիմավորում են իշխանը և իշխանուհին, պալատի ավանդական սովորությամբ համաձայն, լուսավառ և գեղեցիկ կերոններով:

Ընդունելության ժամանակ, հանուն բոլոր ներկաների, Ամենայն Հայոց Հայրապետին ողջունում է Հոռմի բանկի նախագահ, իրավագետ Վիտտորիանո Վերոնեզը: Հայոց Հայրապետը, իր հերթին, հանդես է գալիս պատասխան

նառով, որը թարգմանվում է ֆրանսերենի: Ընդունելության ավարտին օտար թուրք պաշտոնական հյուրերը իրենց տիկիներով իշխանի և իշխանուհու կողմից ներկայացվում են **Հայոց Հայրապետին** և ճնարդիր, աջահամբույրով ստանում են Նրա օրհնությունները:

Նույն օրը, մայիսի 11-ի երեկոյան, ուշ ժամին, **Վեհափառ Հայրապետը** ընդունում է այցելությունը **կարդինալ Վիլլբրանտսի**: Տեղի է ունենում ջերմ գրույց՝ երկու եկեղեցիներին հետաքրքրող մի շարք հարցերի շուրջ:

#### ՎԵՀԱՓԱՌ ԱՄԵՆԱՅԻՆ ՀԱՅՐԱՊԵՏԸ ՀՐԱԺԵՇՏ Է ԱՌԿՈՒՄ ՀՈՈՄԻ ՊԱՊԻՑ

**Մայիսի 12-ին, երեքշաբթի: Ամենայն Հայոց Հայրապետի** Հոռոմ այցելության վերջին օրն է:

Առավոտյան ժամը 9-ին **Հայոց Հայրապետը** Իր առանձնասենյակում ընդունում է հրաժեշտի այցելությունը **կարդինալ Աղաջանյանի**:

Ժամը 10-ին **Վեհափառ Հայրապետը**, ընկերակցությամբ **տ. Հայկազուն արքեպիսկոպոսի, տ. Նարեկ վարդապետի** և Իր անձնական քարտուղար **Պարզև Ծահբազյանի**, ինչպես նաև իտալահայ վարչության նախագահ **Ստեփան Սրապյանի**, այցելում է Հոռոմում Սովետական Միության դեսպան **Ն. Ա. Ռիժովին**: Ամենայն Հայոց Հայրապետի և պարոն դեսպանի միջև տեղի է ունենում ջերմ գրույց:

Ժամը 12-ին **Սրբազան Քահանայապետը Ամենայն Հայոց Հայրապետին** ողջերթ մաղթելու համար անձամբ գալիս է Նրա բնակարանը՝ ընկերակցությամբ իր բարձրաստիճան խորհրդականների:

Այս առթիվ **Սրբազան Քահանայապետը Ամենայն Հայոց Հայրապետին** է նվիրում Հայաստանի սուաքյալ և սուաջին լուսավորիչ **ս. Բարթողիմեոսի** անյուն-մատուցող՝ գետեղված մեծադիր անճանչավոր մի խաչի մեջ:

Մատուցի հանձնման արարողությանը ներկա են հայոց երկու սրբազան պատրիարքները, հայրապետական շքախմբի անդամները և կարդինալներ ու արքեպիսկոպոսներ:


Երկու եկեղեցիների գերագույն Պետերը ստորագրում են այս առթիվ կազմված պաշտոնական համատեղ մի հայտարարություն, որը գրվել էր երկու օրինակով՝ **Սրբազան Պապի** և **Հայոց կաթողիկոսի** պաշտոնական թղթերի վրա:

Համատեղ հայտարարությունը պաշտոնապես ընթերցում է **կարդինալ Վիլլբրանտսը**: Համատեղ հայտարարության ստորագրումը ավարտվում է լառիներեն և հայերեն լեզուներով արտասանված տերմոնական աղոթքով:

**Սրբազան Քահանայապետը** և **Ամենայն Հայոց Հայրապետը** իրենց շքախմբերով առաջնորդվում են **ս. Հովհաննես աշտարակի փոքրիկ մատուղը**, ուր տեղի է ունենում գոհաբանական մաղթանք և աղոթք **Ամենայն Հայոց Հայրապետի** Հոռոմ պատմական այցելության առիթով: Արարողության ավարտին երկու Հայրապետները իջնում են աշտարակի գլխավոր շքամուտքի մոտ գտնվող դահլիճը, ուր փոխանակում են եղբայրության, խաղաղության և սիրու վերջին համբույրը ու հրաժեշտ առնում միմյանցից:

Հրաժեշտ են առնում միմյանցից նաև **Հայոց Հայրապետի** շքախմբի անդամներն ու **Սրբազան Քահանայապետի** խորհրդականները:

**Մայիսի 12-ին, երեքշաբթի օրը**, ժամը 12.40-ին, **Ամենայն Հայոց Հայրապետը** հանդիսավորապես առաջնորդվում է Հոռոմի կենտրոնական երկաթու-



ԱՊՈՍՏՈԼՈՍԱՆՆԵՐԻ ԵՎ ՍԱԳՐԱՆԻ ԳՐԵՎԱՍԻՄՈՆԻՆԻՆԵՐԻ ԵԿԵՂԵՍԻՆԵՐԻ



### Déclaration commune

Paul VI, Évêque de Rome, Pape de l'Eglise catholique, et Vasken I, Catholicos-Patriarche Suprême de tous les arméniens, rendent grâces au Seigneur de leur avoir permis de prier ensemble, de se rencontrer, et d'échanger le saint baiser de paix, surtout en cette période de préparation à la grande fête célébrant la descente du Saint-Esprit sur les apôtres.

Conscients de leurs devoirs de pasteurs, ils invitent tous les chrétiens, et surtout ceux de l'Eglise catholique et de l'Eglise apostolique arménienne, à répondre avec encore plus de fidélité à l'appel du Saint-Esprit les incitant à une unité plus profonde qui accomplira la volonté de notre commun Sauveur, et qui rendra plus fécond le service du monde par les chrétiens.

Cette unité ne peut se réaliser que si tous, pasteurs et fidèles, cherchent à se connaître vraiment les uns les autres. A cette fin, ils exhortent les théologiens à s'adonner à une étude commune tendant à approfondir leur connaissance du mystère de notre Seigneur Jésus-Christ et de la révélation faite en Lui. Fidèles à la tradition transmise par les apôtres et les Pères, et, en même temps, conscients des exigences d'un monde qui cherche Dieu dans les nouveaux développements de notre époque, ils pour-

ront ouvrir de nouvelles voies qui permettront de surmonter les divergences existantes encore et amèneront leurs Eglises à une unité plus parfaite dans la profession de leur foi en face du monde. De leur part, le Pape et le Catholicos essayeront de faire tout le possible pour appuyer ces efforts et leur donner leur bénédiction de pasteurs.

Cependant la recherche risque elle-même de rester stérile si elle n'est pas enracinée dans toute la vie de toute l'Eglise. C'est pourquoi ils souhaitent que se développe une collaboration plus étroite dans tous les domaines possibles de la vie chrétienne. La prière commune, l'aide spirituelle réciproque, des efforts conjoints en vue de trouver aux problèmes du monde d'aujourd'hui des principes de solutions vraiment chrétiennes, seront des moyens précieux au service de cette recherche de la pleine unité tellement désirée.

Cette recherche accomplie ensemble, cette collaboration doivent être fondées sur la reconnaissance réciproque de la foi chrétienne et de la vie sacramentelle communes, sur le respect mutuel des personnes et de leurs Eglises. Si les efforts désintéressés que de tout coeur ils voudraient promouvoir, sont inspirés par cet esprit et sont mis en oeuvre de cette manière, ils ont confiance que l'Esprit de vérité et d'amour donnera aux membres de l'Eglise catholique et de l'Eglise apostolique arménienne cette fraternité véritablement chrétienne qui est le fruit de son action en eux.

C'est au nom de cette fraternité que le Pape Paul VI et le Catholicos Vasken I élèvent leur voix dans un appel solennel à tous ceux qui ont une influence sur la vie des nations et des peuples afin qu'ils s'efforcent de chercher et de trouver tous les moyens

possibles pour mettre fin aux guerres, à la haine, à la violence physique et morale, à n'importe quelle oppression de l'homme par l'homme. Que Celui qui est notre paix fasse que cet appel soit entendu.

Du Vatican, le 12 Mai 1970

Paulus P.P. VI-

Համատեղ հայտարարության բնագիրը

ղային կայսրանը՝ մեկնելու համար **Վեներտիկ**՝ ս. Ղազար, սրտագին հրավերով արբանոր և միաբանության անդամների:

**Ամենայն Հայոց Հայրապետին**, հանուն Սրբազան Պապի, ճանապարհում, են, կարդինալ Վիլլբրանտսի գլխավորությամբ, կարդինալներ, արքեպիսկոպոսներ և պաշտոնական այլ անձնավորություններ:

Մայիսի 12-ին **Վեհափառ Հայրապետից** հրաժեշտ են առնում **տ. Եղիշե, տ. Շնորհք** սրբազան պատրիարքները և շքախմբի սրբազան արքեպիսկոպոսները:

ՀԱՅՈՑ ՀԱՅՐԱՊԵՏԸ ՎԵՆԵՏԻԿԻ Ս. ՂԱԶԱՐ ՎԱՆՔՈՒՄ

Մայիսի 12-ին, երեքշաբթի օրը, երեկոյան ժամը 18.30-ին, **Վեհափառ Հայրապետը** գնացքով ժամանում է **Վեներտիկ: Վեներտիկի** քաղաքային կայսրանում տեղի է ունենում սրտառույ ընդունելություն, որին մասնակցում են Վեներտիկի կաթոլիկ եկեղեցական և քաղաքային իշխանությանց ներկայացուցիչները: **Հայոց Հայրապետի** ժամանումը ողջունում են նաև արբանայր **հ. Հմայակ վրդ. Կետիկյանը** և Մխիթարյան միաբանության անդամները, Մուրադ-Ռաֆայելյան վարժարանի տեսչության անդամները և ուսանողները:

Ժամը 19.30-ին **Հայոց Հայրապետը** շոգեմակույկներով առաջնորդվում է ս. Ղազար վանքը և հրաշափառով մուտք է գործում վանական եկեղեցին: Արբանայր **Հմայակ վրդ. Կետիկյանը** արտասանում է բարիգալստյան հուզիչ մի ճառ, որին պատասխանելով **Հայոց Հայրապետը** հաղորդում է Իր ողջույնները և օրհնում բոլոր ներկաներին:

**Հայոց Հայրապետը** թանկագին հյուրն է ս. Ղազար վանքի:

Մայիսի 13-ին, չորեքշաբթի օրը, առավոտյան ժամը 10-ին, **Ամենայն Հայոց Վեհափառ Հայրապետի** նախագահությամբ, ս. Ղազար վանքում տեղի է ունենում հայր Ղևոնդ Ալիշանի սենյակ-թանգարանի հանդիսավոր բացումը՝ նրա ծննդյան 150-ամյակի կապակցությամբ:

Ժամը 11-ին **Վեհափառ Հայրապետի** նախագահությամբ կատարվում է ս. Ղազարի նորակերտ ձեռագրատան հանդիսավոր բացումը: Այս առթիվ

**Վեհափառ Հայրապետը** և Ղազարի վանքին է անվիրում և Էջմիածնից բերված 13-րդ դարի մի խաչքար՝ արձանագրությամբ: Տեղի է ունենում գեղարվեստական ցերեկույթ, ուր ճառեր են փոխանակվում:

Ժամը 12-ին վանական սեղանատանը, ի պատիվ Ամենայն Հայոց Հայրապետի, տրվում է պաշտոնական ճաշկերույթ: Աքքահայր **Հմայակ վրդ. Վեստիկյանը** որդիական երախտագիտություն է հայտնում իր ուղերձում **Հայոց Հայրապետի** այս բացառիկ և պատմական ուղևորության ստիժի ի ս. Ղազար՝ տոնական սույն հանդիսություններին նախագահելու համար:

Երեկոյան ժամը 16-ին **Վեհափառ Հայրապետը** ուղևորվում է Մեծ Մխիթարի գերեզմանը, ուր կատարվում է մասնավոր հոգեհանգիստ Մխիթար արքայի և Մխիթարյան ուխտի հանգուցյալ միաբանների և բարերարների հիշատակին:

**Մայիսի 14-ին, հինգշաբթի:** Այսօր **Հայոց Հայրապետի** բարձր պատվին կատարված հանդիսությունները տեղի են ունենում **Վեներտիկում:** Առավոտյան ժամը 10-ին **Վեհափառ Հայրապետը** այցելում է **Վեներտիկի** և Մարկոսի տաճարը և ս. Խաչ եկեղեցին:

Ժամը 11-ին **Վեհափառ Հայրապետը** պաշտոնական այցելություն է տալիս Վեներտիկի նահանգապետ **Նիկողոսյանին** և ապա քաղաքապետ **Ֆավարետտո Ֆիսկային** Կա Ջուստինիան պալատում: **Հայոց Հայրապետի** և Վեներտիկի նահանգապետի ու քաղաքապետի միջև տեղի է ունենում ջերմ գրույց և փոխանակվում են ճառեր:

Ժամը 18-ին **Վեհափառ Հայրապետը** այցելում է Մուրադ-Ռաֆայելյան վարժարանը, ուր նախագահում է իր պատվին կազմակերպված ուսանողական հանդեսին:


**Հայոց Հայրապետը** հանդես է գալիս ուսանողությանն ուղղված կրոնաշունչ և հայրենասիրական ճառով և պատգամով: Հանդիսության ավարտին, ի պատիվ Հայոց Հայրապետի, տրվում է պաշտոնական ճաշկերույթ, որին ներկա են լինում նաև **Վեներտիկի** եկեղեցական և քաղաքային իշխանությունների բարձրաստիճան ներկայացուցիչները:

#### ՎԵՀԱՓԱՌ ՀԱՅՐԱՊԵՏԸ ԴԱՐՉՅԱԼ ՄԻՒԱՆՈՅՈՒՄ

**Մայիսի 15-ին, ուրբաթ օրը, Վեհափառ Հայրապետը** հրաժեշտ է անում և Ղազարից և գնացքով մեկնում **Միլան**՝ հովվապետական Իր այցելությամբ մխիթարելու և խանդավառելու այս ստիժիվ Իր հոգևոր զավակներին: **Միլանոյի** քաղաքային երկաթուղային կայարանում հանդիսավորապես դիմավորվելուց հետո, **Վեհափառ Հայրապետը** առաջնորդվում է «Էքսելսյոր Գալլիա» հյուրանոցը, ուր հետմիջօրեին ընդունում է բազում այցելություններ:

**Մայիսի 16-ին, շաբաթ օրը,** առավոտյան ժամը 10.30-ին, **Վեհափառ Հայրապետը** մեծաթիվ Իր շքախմբով այցելում է ԺԵ դարում կառուցված **Միլանոյի «Դուոմո Դի Միլանո»** Մայր տաճարը, ուր **Հայոց Հայրապետին** դիմավորում են **կարդինալ Ջովաննի Կոլոմբոն** և տաճարի ավագերեց **Ջուզեպպե Սկիարինի արքեպիսկոպոսը:** Տաճարում տեղի է ունենում աղոթք Էկումենիկ ոգով: **Կարդինալ Ջովաննի Կոլոմբոն,** հանուն Միլանոյի եկեղեցական և քաղաքային իշխանության, ողջունում է **Հայոց Հայրապետի** ժամանումը: **Ամենայն Հայոց Հայրապետը** հանդես է գալիս ողջույնի և օրհնության պատասխան խոսքով, որը թարգմանվում է իտալերենի:

Ապա **Հայոց Հայրապետը** նույն հանդիսավորությամբ այցելում է ս. Ամբ-



ՍՐԲԱԶԱՆ ՊԱՊԸ ԱՄԵՆԱՅՆ ՀԱՅՈՑ ՀԱՅՐԱՊԵՏԻՆ Է ՀԱՆՁՆՈՒՄ ՀԱՅԱՍՏԱՆԻ  
ԱՌԱՔՅԱԼ Ս. ԲԱՐԹՐՈՂԻՄԵՐՈՍԻ ՄԻ ՄԱՍՈՒՆՔԸ

րոսիոսի Մայր տաճարը: Այստեղ ևս տեղի է ունենում աղոթք և փոխանակվում են ողջույնի և օրհնության խոսքեր:

Նույն օրը, երեկոյան ժամը 20-ին, Միլանոյի «Հայ տուն» սրահում Վեհափառ Հայրապետը հանդիպում է ունենում միլանահայ համայնքի անդամների հետ: Ներկա էին ավելի քան 200 միլանահայեր: Հայոց Հայրապետի հետ պատվո սեղանի շուրջը տեղ էին գրավել պրն. պրն. Երվանդ Հյուսիսյանը, Ստեփան Սրապյանը, Սարգիս Տիարպեքիրյանը և տիկին Մարթան (Բուննու-Այրեսից), Տատուր Տատուրյանը (Նյու-Յորքից) և ուրիշներ: Հավաքույթը բացում է տ. Զոհն եպիսկոպոսը բարիգալստյան ուղերձով: Ներկաներից շատերը ողջունում են Հայոց Հայրապետի շնորհաբեր ներկայությունը: Գործադրվում է գեղարվեստական հայտագիր: Վերջում Վեհափառ Հայրապետը հանդես է գալիս ողջույնի և օրհնության գեղեցիկ մի ճառով և, տալով Իր պատգամը, օրհնում է բոլոր ներկաներին:

### ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՊԱՏԱՐԱԳ

Մայիսի 17-ին, կիրակի: Հոգեգալուստ: Վեհափառ Հայրապետը Միլանոյի հայոց ս. Բառասուն մանկանց եկեղեցում մատուցում է հանդիսավոր ս. պատարագ և քարոզում Հոգեգալստյան տոնի խորհրդի և հոգևոր նշանակության մասին: Հայրապետական ս. պատարագին ներկա են եկեղեցական և քաղաքային իշխանությանց բարձրաստիճան ներկայացուցիչներ, պաշտոնական հյուրեր, Միլանոյի ողջ հայ գաղութը և Եվրոպայի զանազան հայկական համայնքներից ժամանած բազմաթիվ հայեր: Հավարտ ս. պատարագի ներկաներից շատերը սուրբ ճաշակ են առնում Հայոց Հայրապետի ձեռքով:

Երեկոյան ժամը 20-ին Միլանոյի հայ համայնքը պաշտոնական ճաշկերույթով մեծարում է իր Հայրապետին «Էքսելսոր» հյուրանոցի շքեղ դահլիճում: Հրավիրյալների թվում են Լոմբարդիայի և շրջակայքի քաղաքային իշխանությանց ներկայացուցիչներ և այլ պաշտոնական հրավիրյալներ: Հայոց Հայրապետի շնորհաբեր ժամանումը Միլանո ողջունում է փոխ-քաղաքապետ կոմս Մեցի դ'Էրիլը: Սույն ընդունելությանը ներկա են նաև Միլանոյի կարդինալի ներկայացուցիչ Կոլոմբո արքեպիսկոպոսը և Վատիկանի ներկայացուցիչ հայր Լոնգը: Ընդունելությունն անցնում է խանդավառ և հայրենասիրական մթնոլորտում: Վերջում հանդես է գալիս Հայոց Հայրապետը բովաճախակալից պատգամ-ճառով և բոլոր ներկաներին բաշխում Իր հայրապետական օրհնությունները:

Մայիսի 18-ին, երկուշաբթի օրը, առավոտյան ժամը 11-ին, Վեհափառ Հայրապետը հյուրանոցի Իր հարկաբաժնում տեսակցություն է շնորհում իտալական ամենատարածված թերթի՝ «Ավվենիրե»-ի թղթակցին: Օրվա մնացյալ ժամերին Վեհափառ Հայրապետին այցելում են ծանոթ ազգային դեմքեր, Միլանո ժամանած ներկայացուցիչներ՝ Աթենքից, Վիեննայից, Ժնևից և այլ տեղերից:

Նույն օրը, երեկոյան ժամը 20-ին, Միլանոյի կարդինալ Զովաննի Կոլոմբոն իր արքեպիսկոպոսարանի պալատում հրաժեշտի ճաշկերույթ է տալիս ի պատիվ Հայոց Հայրապետի և Նրա շքախմբի անդամների: Ծաշկերույթի ժամանակ փոխանակվում են ողջերթի և օրհնության ճառեր: Փոխանակվում են նաև հուշանվերներ:



Վեհափառ Հայրապետը Փարիզի հայոց ս. Հովհաննես Սլրտիչ եկեղեցում ողջունում է հայրապետական պատվիրակ տ. Սերովբե արքեպիսկոպոսին

#### ՎԵՀԱՓԱՌ ՀԱՅՐԱՊԵՏԸ ՓԱՐԻԶՈՒՄ

Մայիսի 19-ին, երեքշաբթի, Վեհափառ Հայրապետը հրաժեշտ է ատնում Միլանոյից: Հետմիջօրեի ժամը 15-ին Միլանոյի միջազգային օդանավակայանում Հայոց Հայրապետին ճանապարհում են Միլանոյի եկեղեցական և քաղաքային իշխանությանց ներկայացուցիչներ, Միլանոյի ողջ հայ համայնքը և Միլանո ժամանած հայկական այլ համայնքների ներկայացուցիչներ, Մխիթարյան հայրեր և բազում այլ պաշտոնական անձնավորություններ:

Վեհափառ Հայրապետը «Air France» օդանավային ընկերության ինքնաթիռով մեկնում է Փարիզ՝ Իր շնորհաբեր այցելությամբ մխիթարելու Փարիզի ողջ հայությանը: Վեհափառ Հայրապետին ընկերակցում են Հայկազուն, Սերովբե, Պսակ և Ծահե արքազաններն ու շքախմբի մնացուն անդամները: Փարիզի Օռլիի օդանավակայանում Վեհափառ Հայրապետը պաշտոնապես դիմավորվում է Փարիզի հոգևոր, քաղաքային իշխանության բարձրաստիճան ներկայացուցիչների, ինչպես նաև ազգային-եկեղեցական մարմինների և խումբերան բազմության կողմից: Վեհափառ Հայրապետին դիմավորում են նաև Կարապետ եպս. Ամատունին, Եկեղեցական վարչության անդամներ

**Ն. Ֆրենկլանը, Ս. Քարլանը, Ա. Օհանյանը, ինչպես նաև Կ. Զրբաշյանը, պրոֆ. Ֆ. Ֆելդին և ուրիշներ:**

Օդանավակայանում, պաշտոնական հյուրերի դահլիճում, **Վեհափառ Հայրապետը** պատասխանում է հայ և օտար թղթակիցների հարցերին: Ապա բազմաթիվ ավտոմեքենաների և առաջապահ պատվո ռուտինաների ուղեկցությամբ առաջնորդվում է Փարիզի հայոց ս. Հովհաննես եկեղեցին, ուր մուտք է գործում եկեղեցական թափորով և հրաշափառով: Արևմտյան Եվրոպայի հայրապետական պատվիրակ **տ. Սերովբե արքեպիսկոպոսը** ողջունում է **Հայոց Հայրապետի** օրհնաբեր ժամանումը **Փարիզ** և բարի գալուստ է մաղթում: **Հայոց Հայրապետը** հաղորդում է Իր ողջույնները և բաշխում Իր օրհնությունները: Ապա **Վեհափառ Հայրապետը** առաջնորդվում է «Պլազա Աթենե» հյուրանոցը, ուր նրան հատկացվում է մասնավոր հարկաբաժին:



Վեհափառ Հայրապետը Մարսելում. Ողջույնի խոսք է ասում տ. Հակոբ եպս. Վարդանյանը

ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ՖՐԱՆՍԻԱՅԻ  
ՀԱՆՐԱՊԵՏՈՒԹՅԱՆ ՆԱԽԱԳԱՀ, ՄԵԾԱՀԱՐԳ ԺՈՐԺ ՊՈՄՊԻԴՈՒԻՆ

**Մայիսի 20-ին, չորեքշաբթի օրը, հետմիջօրեի ժամը 16.30-ին, Հայոց Հայրապետը** պաշտոնական այցելություն տվեց Ֆրանսիայի Հանրապետության մեծահարգ պրն. նախագահ **Ժորժ Պոմպիդուին** Էլիզեի պալատում:

Վեհափառ Հայրապետին ընկերակցում էին տ. Սերովբե, տ. Հակագուն արքեպիսկոպոսները, տ. Եանե եպիսկոպոսը, տ. Գյուտ, տ. Նարեկ վարդապետները, փարիզահայ ազգային-եկեղեցական մարմինների ներկայացուցիչներ Ն. Տրենկյանը և Ս. Քարյանը: Նախագահական Էլիզե պալատում Հայոց Հայրապետը առանձին առաջնորդվում է նախագահի ընդունելության դահլիճը, ուր տեղի է ունենում հանդիպում և զրույց Ամենայն Հայոց Հայրապետի և Հանրապետության պարոն նախագահի միջև, որը տևում է քսան րոպե:

#### ԱՅՑԵԼՈՒԹՅՈՒՆՆԵՐ

Մայիսի 21-ին, հինգշաբթի օրը, առավոտյան ժամը 10.30-ին, Վեհափառ Հայրապետը Փարիզի հայոց առաջնորդարանում ընդունում է այցելությունը պապական նկիրակ մոնսենյոր Ռիզի Լամբերտինի, որին ընկերակցում էր իր փոխանորդ մոնսենյոր Կոլլասոն:



Վեհափառ Հայրապետը Ալֆորվիլում. Քաղաքապետի հետ դեպի Կոմիտասի անվան փողոցը ուղևեկիս

Ժամը 11-ին Վեհափառ Հայրապետը այցելում է Փարիզի Դպրոցսուեր հայ տիկնանց և Սամվել-Մուրադյան վարժարանները, ուր օրհնելով ուսուցչական, հոգաբարձական, ծնողական մարմիններն ու ուսանողներին, տալիս է հայրենասիրական Իր պատգամը:

Երեկոյան ժամը 18-ին Վեհափառ Հայրապետը պաշտոնական այցելություն է տալիս Փարիզում Սովետական Միության դեսպան Վալերիան Զորինին: Վեհափառ Հայրապետին ընկերակցում էին տ. Սերովբե արքեպիսկոպո-

սը, տ. Գյուտ, տ. Նարեկ վարդապետները և պրն. Պարզև Եահրազյանը: Հայոց Հայրապետի և Սովետական Միության մեծահարգ պրն. դեսպանի միջև տեղի է ունենում ջերմ գրույց:

Երեկոյան ժամը 20-ին տ. Եղիշե պատրիարքը Հայոց Հայրապետի պատվին նաշկերույթ է տալիս Փարիզի շրջակայքի բացօթյա գեղատեսիլ մի ճաշարանում:

Մայիսի 22-ին, ուրբաթ օրը, ժամը 12-ին, Վեհափառ Հայրապետը պաշտոնական այցելություն է տալիս Ֆրանսիայի արտաքին գործերի միմիստրի առաջին տեղակալ պրն. Ժան Դը Լիպկովսկուն՝ ընկերակցությամբ տ. Սերովբե արքեպիսկոպոսի:

Նույն օրը, երեկոյան ժամը 17-ին, Փարիզի հայոց առաջնորդարանում Վեհափառ Հայրապետը ընդունում է այցելությունը ֆրանսիական բանակի Ա.ֆրիկյան դպրոցի տնօրեն գեներալ Ռոնդոյի: Ավելի ուշ Հայոց Հայրապետին է այցելում առաջնորդարանում Ռեմի արքեպիսկոպոս և Ֆրանսիայի Եպիսկոպոսաց ժողովի Միարարական բաժնի նախագահ կարդինալ Պոլ Գուլյոնը:

Երեկոյան ժամը 20-ին Սերովբե արքեպիսկոպոսը և ֆրանսահայ ազգային-եկեղեցական մարմինները, ի պատիվ Հայոց Հայրապետի, բարիգալըստյան ընդունելություն են կազմակերպում «Պլազա Աթենե» հյուրանոցի ճաշարանում՝ մասնակցությամբ հայ և օտար բարձրաստիճան հոգևոր պետերի և պաշտոնական անձնավորությունների: Հրավիրյալների թվում էին՝ Փարիզի արքեպիսկոպոս կարդինալ Ֆրանսուա Մարտին, քույր եկեղեցիների ներկայացուցիչներ, Ֆրանսիայի պետական երեսփոխան Ալեն Գրիոտերեն, արտաքին գործոց նախարարության գաղթականաց գրասենյակի դեսպան և տնօրեն պրն. Ժորժ Պոնսը, Փարիզի քաղաքապետ Ռոժե Մոնեն, հույն օրթոդոքս եկեղեցու միտրոպոլիտ Մելետիոսը, Ֆրանսիայի բողոքական կոնֆեդերացիայի նախագահ Ժան Կուրվուազիեն, Մոսկվայի ռուսաց պատրիարքության ներկայացուցիչ Պիեռ Լուիլիեն, ներքին գործերի նախարարության կրոնից տեսուչ Օդիբերը: Ընդունելությանը ներկա էին նաև Եղիշե պատրիարքը, տ. Հայկազուն արքեպիսկոպոսը, տ. Եահն էպիսկոպոսը, կաթողիկե համայնքի պետ Կարապետ էպիսկոպոս Ամատունին, Հայ ավետարանական համայնքի հոգևոր պետ վեր. Գ. Միսյանը, ազգային ծանոթ դեմքեր, հայ և օտար մամուլի ներկայացուցիչներ և հյուրեր՝ Եվրոպայի մի շարք հայ համայնքներից: Ընդունելության ժամանակ, որն անցնում է ջերմ, քրիստոնեական եղբայրության և էկումենիկ ոգով, փոխանակվում են ուղերձներ և ճառեր:

#### ՎԵՀԱՓԱՌ ՀԱՅՐԱՊԵՏԸ ԼԻՈՆՈՒՄ

Մայիսի 28-ին, շաբաթ օրը, Վեհափառ Հայրապետը, ընկերակցությամբ տ. Սերովբե արքեպիսկոպոսի և Իր շքախմբի մնայուն անդամների, ժամանում է Լիոն, որտեղ դիմավորվում է համայնքի ազգային-եկեղեցական իշխանությունների կողմից՝ գլխավորությամբ Լիոնի հոգևոր հովիվ տ. Դավիթ Տ. վրդ. Սահակյանի: Վեհափառ Հայրապետը հանդիսավոր շքերթով առաջնորդվում է Լիոնի ս. Հակոբ նորակերտ եկեղեցին, ուր մուտք է գործում հրաշափառով: Տ. Սերովբե արքեպիսկոպոսը և տ. Դավիթ վարդապետը ողջունում են Հայոց Հայրապետի օրհնաբեր ներկայությունը Իր հավատացյալ և հայրենաձեր գավակների ծոցում: Իր պատասխան ողջույնի և օրհնության խոսքի մեջ Հայոց Հայրապետը Իր ուրախությունն է հայտնում երկրորդ անգամ Լիոնի հայ համայնքի մեջ գտնվելու համար:

Այնուհետև Վեհափառ Հայրապետը սուաջնորդվում է «Սոֆիտեյ» հյուրանոցը, որի շքամուտքի ճակատին ֆրանսիական պետական դրոշի կողքին ծածանվում է նաև հայրապետական մետաքսահյուս արծիվ-դրոշակը:

Երեկոյան ժամը 21-ին Լիոնի ազգային-եկեղեցական մարմինները կազմակերպել էին համաժողովրդական հանդիպում ազգիս սիրելի Հայրապետի հետ «Սալ Ռամոյում», որին մասնակցում էին մոտ 1.000 լիոնահայեր, այդ թվում՝ Նաբոլեոն Պուլուբյանը, Կարպիս Ծնկտրյանը, Գաբրիել Պահատուրյանը և ուրիշներ: Հայոց Հայրապետի ժամանումը և ներկայությունը որդիական ակնածանքով և երախտագիտական զգացմունքներով ողջունում են տ. Դավիթ Տ. վարդապետը և Լիոնի եկեղեցական վարչության փոխ-նախագահ պրն. Վարդան Եղիշեյանը: Գործադրության է դրվում գեղարվեստական ճոխ հայտագիր: Վերջում իր հայրենասիրական պատգամը տալով, բոլոր ներկաներին օրհնում է Հայոց Հայրապետը:



Ալֆորվիլ. Կոմիտասի անվան փողոցը

Մայիսի 24-ին, կիրակի օրը, Վեհափառ Հայրապետը Լիոնի հայոց ս. Հակոբ եկեղեցում մատուցում է հայրապետական հանդիսավոր պատարագ և Բանին կենաց ոգեշունչ քարոզով մխիթարում իր զավակներին՝ բաշխելով ս. Էջմիածնի աստվածապարզ օրհնությունները և հաղորդելով ողջույնը հայոց վերածնված հայրենիքի:

Հայրապետական ս. պատարագին ներկա են Լիոնի կարդինալ Ռընարի ներկայացուցիչ արքեպիսկոպոսը, Վատիկանի Քրիստոնյաների միության քարտուղարության ներկայացուցիչը, ինչպես նաև պետական պաշտոնական

անձնավորություններ, քույր եկեղեցիների ներկայացուցիչներ և ողջ համայնքը Լիոնի հայոց, որոնցից շատերը **Վեհափառ Հայրապետի** ձեռքով ստանում են ս. հաղորդությունը:

Ժամը 14-ին, ի պատիվ **Հայոց Հայրապետի**, «Սոֆիտել» հյուրանոցի շքեղ դահլիճում տրվում է համայնքային մեծ նաշկերույթ՝ մասնակցությամբ շուրջ 1.000 հոգու: Հրավիրյալների թվում էին **Լիոնի** եկեղեցական և քաղաքային իշխանությանց բարձրաստիճան ներկայացուցիչներ:

Նույն օրը, երեկոյան ժամը 18-ին, հյուրանոցի Իր հարկաբաժնում, **Հայոց Հայրապետը** ընդունում է այցելությունը Լիոնի **կարդինալ Ռընարի** և **հայր Միշալոնի**:

**Մայիսի 25-ին**, երկուշաբթի օրը, առավոտյան ժամը 10-ին, **Վեհափառ Հայրապետը** հյուրանոցի Իր հարկաբաժնում ընդունում է այցելությունը Լիոնի հայ եկեղեցական վարչության անդամների: **Վեհափառ Հայրապետը** հանգամանորեն հետաքրքրվում է համայնքի եկեղեցական, կրթական և ազգային գործերով: Ժամը 11-ին **Վեհափառ Հայրապետը** ընդունում է այցելությունը **Դեսինի** եկեղեցական վարչության անդամների՝ գլխավորությամբ **Դեսինի** հայոց հոգևոր հովիվ **Վահան վարդապետ Թոփալյանի**, և հանույքով լսում համայնքում կատարված եկեղեցական գործերի մասին՝ հայտնելով հայրապետական Իր գոհունակությունն ու օրհնությունը:

Հետմիջօրեի ժամը 15-ին **Վեհափառ Հայրապետը**, ընկերակցությամբ **տ. Սերովբե արքեպիսկոպոսի** և Իր շքախմբի անդամների, այցելում է **Լիոնի «Սենտ Իրենե»** Էկումենիկ կենտրոնը, ուր տեսակցություն է ունենում սրտագին մթնոլորտում կենտրոնի ղեկավարության հետ: **Հայոց Հայրապետի** պատվին այստեղ կատարվում է Էկումենիկ աղոթք և արարողություն:

Ժամը 18-ին **Հայոց Հայրապետը** պաշտոնական այցելություն է տալիս **Լիոնի** քաղաքապետարան՝ քաղաքապետ **պրն. Պրադելին**: Հարգալիր դիմավորում, ողջույնի և բարիգալստյան ճառերի ու հուշանվերների փոխանակում: Հանդիպմանը ներկա էին քաղաքապետարանի խորհրդի անդամները և այլ պաշտոնական անձինք:

Ժամը 20-ին **Լիոնի** նահանգապետ **Մաքս Մուլենը** կազմակերպում է պաշտոնական ընդունելություն **Ամենայն Հայոց Հայրապետի** բարձր պատվին, որին ներկա են լինում **Լիոնի** նահանգի ընդհանուր գանձապահ **պրն. Լաբոնելին**, երեսփոխան **պրն. Ծարեն**, Ֆրանսիայի Ազգային խորհրդի փոխ-նախագահ **պրն. Բոնժանը**, Պորտուգալիայի հյուպատոս **պրն. Դե Ալմեիդան**, հայտնի իրավագետ և Լիոնի նահանգի Ֆրանս—ՍՍՀՄ բարեկամության ընկերության նախագահ **պրն. Ամբրը** և այլ եկեղեցական ու պետական բարձրաստիճան անձնավորություններ:

**Մայիսի 26-ին**, երեքշաբթի օրը, առավոտյան ժամերին, **Լիոնի** հովվատան մեջ **Վեհափառ Հայրապետը** ընդունում է մի շարք այցելություններ, Կարմիր և Կապույտ խաչ տիկնանց միության անդամների, Լիոնի շրջանի Վիեն քաղաքի հայ ազգային միության ներկայացուցիչների:

Երեկոյան ժամը 20-ին **Հայոց Հայրապետի Լիոն** գտնվելու առիթով, ի պատիվ քաղաքի եկեղեցական և քաղաքային իշխանությունների ղեկավարության, «Պալե Դյու Կոնգրե»-ում **Հայոց Հայրապետի** անունով և հրավերով կազմակերպվում է պաշտոնական ընդունելություն, որին ներկա են լինում նահանգապետն ու քաղաքագլուխը, **Դեսինի** քաղաքապետը, քույր եկեղեցիների հոգևոր պետեր, Էկումենիկ կենտրոնի ներկայացուցիչներ, հյուպատոսներ, պառլամենտի անդամներ՝ թվով շուրջ 250 հոգի: Ընդունելության ժամա-

նակ, որն անցնում է ջերմ ու խանդավառ մթնոլորտում, ճառեր են փոխանակվում: Ընդունելության մի պահին, որպես անակնկալ, ունկնդրվեց ձայնագրյալ ճառը Լիոնի նախկին քաղաքագլուխ, Ֆրանսիայի պառլամենտի անդամ և հայ ժողովրդի բարեկամ **Էդուարդ Էրիոյի**՝ խոսված 1954 թ.՝ ի դրվատումն հայ մշակույթի և հայ ժողովրդի մտավոր բարոյական բարեմասնությունների:

#### ՎԵՀԱՓԱՌԻ ՀԱՅՐԱՊԵՏԸ ԴԵՍԻՆՈՒՄ ԵՎ ՎԱԼԱՆՍՈՒՄ

**Մայիսի 27-ին, չորեքշաբթի օրը, Վեհափառ Հայրապետը** ժամանում է **Դեսին**, որտեղ հայոց ս. Աստվածածին եկեղեցում հավաքված հավատացյալների բազմությունը ուրախությունն է ունենում լսելու **Հայոց Հայրապետի** ողջունի խոսքն ու պատգամը և ստանալու Նրա սուրբ օրհնությունը:

Ժամը 12-ին **Վեհափառ Հայրապետը** այցելում է **Դեսինի** քաղաքագլուխ **պրն. Պիեռ Մուլենին**, որը քաղաքապետարանի «Սալ Դը Ֆետ» մեծ դահլիճում պաշտոնապես ողջունում է **Հայոց Հայրապետի** ներկայությունը **Դեսին**՝ այն գնահատելով որպես բարիք և օրհնություն քաղաքին: **Հայոց Հայրապետի** և քաղաքագլխի միջև փոխանակվում են ճառեր և հուշանվերներ:

**Մայիսի 28-ին, հինգշաբթի օրը, Վեհափառ Հայրապետը**, ժամանելով Վալանս, Իր ներկայությամբ և պատգամով մխիթարում է համայնքի Իր հոգևոր գավակներին տեղի ս. Գրիգոր Լուսավորիչ եկեղեցում, ուր Նրան ողջունում է **տ. Նարեկ քահանա Վարդանյանը: Վալանսում Հայոց Հայրապետը** ուրախությունն է ունենում բացումը կատարելու «Դանիելյան» մեկօրյա հայ վարժարանի: Դպրոցի բացման հանդիսությանը ներկա է լինում նաև **Վալանսի** քաղաքագլուխ **Ժան Պերդրին**, որը, հանուն քաղաքի ողջ ազգաբնակչության, բարի գալուստ է մաղթում **Հայոց Հայրապետին**:

**Վալանսում Վեհափառ Հայրապետը** պաշտոնական այցելություն է տալիս նահանգապետին և քաղաքագլխին:

**Մայիսի 28-ին, ժամը 17-ին**, տեղի է ունենում համայնքային մեծ հանդիպում, ի պատիվ **Հայոց Հայրապետի** Հ. Բ. Ը. Մ.-ի «Երվանդ Հյուսիսյան» սրահում:

Երեկոյան ժամը 20-ին **Վալանսի** ողջ հայությունը «Կրուա Դոր» հյուրանոցի ընդարձակ դահլիճում կազմակերպում է համագաղութային մեծ նշակերույթ:

#### ՎԵՀԱՓԱՌԻ ՀԱՅՐԱՊԵՏԸ ՄԱՐՍԵԼՈՒՄ

**Մայիսի 29-ին, ուրբաթ օրը, Վեհափառ Հայրապետը** ժամանում է **Մարսել**: **Մարսելի** ողջ հայությունը, ազգային-եկեղեցական մարմինները օդանավակայան էին փութացել՝ ողջունելու ազգիս սիրելի Հայրապետի օրհնաբեր ժամանումը՝ գլխավորությամբ **Մարսելում** հայրապետական պատվիրակի փոխանորդ **տ. Հակոբ եպս. Վարդանյանի** և **Մարսելի** կաթոլիկ **արքեպիսկոպոս Ժորժ Ժակոյի**: **Վեհափառ Հայրապետը** պատվո ռախկանների և բազմախորյուր ինքնաշարժերի շքերթով առաջնորդվում է **Մարսելի** հայոց Պրադոյի Մայր եկեղեցին: **Հակոբ եպս. Վարդանյանը**, հանուն **Մարսելի** հայ համայնքի, սրտատուչ ուղերձով ողջունում է **Հայոց Հայրապետի** ժամանումը **Մարսել**: **Վեհափառ Հայրապետը** ողջունի խոսքով օրհնում է հավատացյալ ժողովրդին:



ԼԻՍԱԲՈՆ. ՎԵՀԱՓԱՌԻ ՀԱՅՐԱՊԵՏԸ ԵՎ ՆԱԽԱԳԱՀ ԴՈԿՏ. ՊԵՐՏԻԳԱՆԸ, ԳԱՂՈՒՍՏ  
ԿՅՈՒՂՊԵՆԿՅԱՆԻ ԱՐՁԱՆԻ ԱՌԱՋ



Աստվածամայր. Մոննենյոր ժան Ռյուպպ եպիսկոպոսի նվերը

Երեկոյան ժամը 20-ին հյուրանոցի Իր հարկաբաժնում **Վեհափառ Հայրապետը** ընդունում է այցելւոյունը Մարսելի եկեղեցական վարչոյւյան պատվարժան անդամների, գլխավորոյւյամբ ստեճնապետ **Արծրուն Զրբաշյանի** և փոխ-ստեճնապետ **դոկտ. Ղազիճեճյանի**, և գրուցում նրանց հետ՝ Մարսելի թեմի ազգային-եկեղեցական հարցերի շուրջ:

**Մայիսի 30-ին, շաբաթ օրը**, առաւոտոյան ժամը 11-ին, **Վեհափառ Հայ-**

քապետը Իր հարկաբաժնում ընդունում է պաշտոնական այցելությունը առաջին մինիստրի առընթեր պետական քարտուղար **Ժողեֆ Կոմիտիի** ու նրա փոխանորդ-քարտուղար **Բրյունի**, ինչպես նաև **Բուշ Դյու Ռոնի** երեսփոխան **Պիեռ Լուկասի**: **Հայոց Հայրապետի** և պետական բարձրատիճան անձնավորությունների միջև տեղի է ունենում ջերմ գրույց:

Նույն օրը, ժամը 12-ին, **Հայոց Հայրապետը** պաշտոնական այցելություն է տալիս **Մարսելի** քաղաքագլուխ, հայանի պետական գործիչ **Գաստոն Դեֆերին**: Քաղաքապետարանի մուտքի առաջ **Վեհափառ Հայրապետը** ընդունվում է մեծարանքով և առաջնորդվում քաղաքապետարանի ընդունելությանց մեծ դահլիճը, որտեղ Նրան ջերմորեն ողջունում է պարոն քաղաքագլուխը: **Հայոց Հայրապետը** Իր պատասխան ողջույնի և շնորհակալության խոսքի մեջ օրհնում է Ֆրանսիայի հյուրընկալ հողը և նրա ազնիվ ժողովրդին ու, ի դեմս **Մարսելի** մեծահարգ պարոն քաղաքագլխի, **Ֆրանսիայի** մեծ ղեկավարներին իրենց հետագա հայրենակների գործունեության մեջ բարեմաղթում հաջողություններ:

Այս հանդիսավոր առիթով պարոն քաղաքագլուխը հանդիսավորապես **Հայոց Հայրապետին** է հանձնում Մայր Աթոռի միաբան և հայերեն առաջին Աստվածաշնչի տպագրության մեծ երախտավոր Ոսկան վարդապետ Երևանցու ժամանակաշրջանի և Ամստերդամի հայ եկեղեցու վերաբերյալ մի քարե տախտակ-հիշատակարան՝ հայերեն արձանագրությամբ:

#### ՀԱՅՐԱՊԵՏԱԿԱՆ ՊԱՏԱՐԱԳ

**Մայիսի 31-ին, կիրակի օրը**, առավոտյան ժամը 10.30-ին, **Վեհափառ Հայրապետը Մարսելի** հայոց Պրադոյի Մայր եկեղեցում մատուցում է հանդիսավոր ս. պատարագ և քարոզում, որին ներկա են լինում բազմաթիվ հրավարյալներ՝ **Մարսելի** եկեղեցական և քաղաքային իշխանությանց բարձրատիճան ներկայացուցիչներ, քույր եկեղեցիների հոգևոր պետեր, հայ կաթողիկե և հայ ավետարանական համայնքների ղեկավար անդամներ, **Մարսելի** եկեղեցական վարչության, թաղական խորհուրդների անդամներ և հավատացյալ հոծ բազմություն: Հայրապետական ս. պատարագը ձայնափունում է **Մարսելի** ռադիո-հեռուստատեսության կողմից:

Հավարտ ս. պատարագի, **Վեհափառ Հայրապետի** հանդիսադրությամբ և օրհնությամբ, Մայր եկեղեցու բակում կատարվում է Երկրորդ համաշխարհային պատերազմի ժամանակ հանուն **Ֆրանսիայի** ազատագրման զոհված հայ մարտիկների և դիմադրական շարժման մասնակիցների հիշատակին նվիրված կոթողի հիմնարկերի արարողությունը՝ ի ներկայության պաշտոնական-պետական-եկեղեցական անձնավորությունների:

#### ԱՅՑԵԼՈՒԹՅՈՒՆՆԵՐ

Երեկոյան ժամը 18-ին **Վեհափառ Հայրապետը** հյուրանոցի Իր հարկաբաժնում ընդունում է այցելությունը **Մարսելի** հայ երիտասարդաց կազմակերպության (ԺԱՖ) պատվիրակության:

Ժամը 21-ին **Վեհափառ Հայրապետի** պատվին Հ. Բ. Ը. Միության **Մարսելի** մասնաճյուղը իր «Ալեք Մանուկյան» սրահում կազմակերպում է հանդիպում-ընդունելություն: Արտասանվում են բարիգալստյան և ողջույնի խոսքեր:

**Հունիսի 1-ին, երկուշաբթի օրը, ժամը 12-ին, Վեհափառ Հայրապետը** հյուրանոցի Իր հարկաբաժնում ընդունում է այցելությունը **Մարսելի Սեն Ժեռոմի** և **Սահակ-Մեսրոպ** եկեղեցու թաղական խորհրդի անդամների:

Ժամը 16-ին հյուրանոցի Իր հարկաբաժնում **Վեհափառ Հայրապետին** այցելում է **Մարսելի արքեպիսկոպոս Ժորժ Ժակոն**: Տեղի է ունենում ջերմ գրույց երկու հոգևոր պետերի միջև:

Նույն օրը, երեկոյան ժամը 18.30-ին, **Ամենայն Հայոց Հայրապետը** պաշտոնական այցով լինում է **Մարսելի Սեն Մաժոր Մայր** եկեղեցին, ուր դիմավորվում է **Ժակո արքեպիսկոպոսի** կողմից: Այս մեծ տաճարի գետնահարկում է գտնվում Ոսկան վարդապետ Երևանցու նոր հայտնաբերված շիրիմը: **Հայոց Հայրապետը** իջնում է տաճարի գետնահարկը և «Հոգվոց» է արտասանում հայ տպագրության արվեստի մեծ երախտավորի նվիրական հիշատակին:

Այնուհետև **Հայոց Հայրապետը Ժակո արքեպիսկոպոսի** հրավերով այցելում է Սեն Վիկտոր բազիլիկան, ուր տեղի է ունենում էկումենիկ աղոթք-արարողություն՝ մասնավոր ծրագրով:

Երեկոյան ժամը 20-ին **Ժորժ Ժակո արքեպիսկոպոսը** արքեպիսկոպոսարանի դահլիճում **Հայոց Հայրապետի** պատվին կազմակերպում է ընդունելություն:

**Հունիսի 2-ին, երեքշաբթի օրը, առավոտյան ժամը 9.30-ին, Ամենայն Հայոց Հայրապետը** պաշտոնական այցելություն է տալիս **Բուշ Դյու Ռոնի** նահանգապետ **Ժան Լապորտին**: Նահանգապետի և **Հայոց Հայրապետի** միջև փոխանակվում են ճառեր և հուշանվերներ:

Ժամը 11-ին **Վեհափառ Հայրապետը** հյուրանոցի Իր հարկաբաժնում ընդունում է այցելությունը ֆրանսահայ «Կապույտ խաչ» ընկերության **Մարսելի տիկնանց** մասնաճյուղի անդամուհիների:

Ժամը 12-ին **Վեհափառ Հայրապետին** են այցելում ֆրանսահայ մշակութային միության **Մարսելի մասնաճյուղի վարչության** ղեկավար անդամները:

Երեկոյան ժամը 19-ին **Սենտ Անտուանի** և **Թադեոս** եկեղեցու թաղական խորհրդի և Եկեղեցասեր տիկնանց միության վարչության անդամները, **Վեհափառ Հայրապետին** մերկայանալով, զեկուցում են իրենց թաղի եկեղեցական-համայնքային գործերի մասին:

Գիշերվա ժամը 21-ին **Մարսելի** ողջ հայությունը, ազգային-եկեղեցական իշխանությունները կազմակերպում են ժողովրդական հանդիպում, որտեղ **Վեհափառ Հայրապետը** հանդես է գալիս **Մայր Աթոռ** և **Էջմիածնի** հոգևոր, մշակութային, շինարարական գործունեության մասին բովանդակալից մի բանախոսությամբ՝ վեր առնելով նաև մայր հայրենիքում կատարված մեծ նվաճումները:

**Հունիսի 3-ին, չորեքշաբթի օրը, առավոտյան ժամը 10-ին, հյուրանոցի Իր հարկաբաժնում Վեհափառ Հայրապետին** են այցելում մարսելահայ ազգայիններ **Հակոբ Պապիկյանը, Վարդան Պանտիկյանը, Ծանիկյանը** և **Ավետիս Մելքոնյանը**:

Երեկոյան **Վեհափառ Հայրապետը** ընդունում է այցելությունը ֆրանսահայ նախկին մարտիկների և դիմադրության ճակատի միության վարչության անդամների, ապա **Մարսելի մարզական հայ երիտասարդական միության** և, ավելի ուշ, **Մարսելի շրջանի Կամպանի Ֆրեզի** և **Կարապետ** եկեղեցու թաղական խորհրդի անդամների:

Նույն օրը, գիշերվա ժամը 21-ին, ողջ մարսելահայ համայնքը, եկեղեցա-

կան-ազգային վարչությունները, թաղական խորհուրդները և հայկական այլ կազմակերպություններ ողջերթի ճաշկերպությամբ իրենց որդիական սերն ու հավատարմությունը մի անգամ ևս արտահայտում են դեպի Մայր Աթոռ ս. Էջմիածինը և նրա ազգընտիր Հայրապետը: Հանուն Մարտելի բույր եկեղեցիների և հարանվանությանց **Ամենայն Հայոց Հայրապետին** բարի ամնապարհ են մաղթում Մարտելի արքեպիսկոպոսի փոխանորդ հայր **Սենտյուրիեն**, Լիբանանի մարոնիտ եկեղեցու ներկայացուցիչ **մոնսենյոր Հայեքը**, հայ կաթողիկե համայնքի պետ **Հարություն վրդ. Չոհանյանը**, Ֆրանսիայի ավետարանական եկեղեցու ներկայացուցիչ **վեր. Ծարպիոն** և ուրիշներ:

Հանդիսության առիթով **Վեհափառ Հայրապետը** Իր բարձր ուշադրությանը արժանացնելով **Արծրուն Զրբաշյանի** եկեղեցականներ, հանրագուտ ծառայությունները՝ նրա կուրծքը զարդարում է ս. Գրիգոր Լուսավորչի Ա կարգի շքանշանով:

#### ՎԵՀԱՓԱՌ ԸԱՅՐԱՊԵՏԸ ՄՈՆԱԿՈՅՈՒՄ ԵՎ ՆԻՑՏԱՅՈՒՄ

**Հունիսի 4-ին, հինգշաբթի օրը, Վեհափառ Հայրապետը**, հրաժեշտ առնելով Մարտելից, քաղաքային ճեպընթացով ետօրյա այցելության համար մեկնում է **Մոնակո** և **Նիցցա**՝ եղբայրական հրավերով Մոնակոյի **Ժան Ռյուպպեպիսկոպոսի: Վեհափառ Հայրապետը Մոնակոյում** եղած օրերին ջերմորեն վայելում է հյուրասիրությունը **տեղ և տիկին Մուշեղ Ծիերնյանների:**

**Հունիսի 5-ին, ուրբաթ օրը, Վեհափառ Հայրապետը** այցելում է **Մոնակոյի** իշխանական պալատը և նրա կից մատուռը, ապա՝ վարչապետարան:

Երեկոյան ժամը 18.30-ին **Մոնակոյի** Մայր տաճարում տեղի է ունենում Էկումենիկ աղոթք և արարողություն, որին ներկա է լինում **Վեհափառ Հայրապետը:**

**Հունիսի 6-ին, շաբաթ օրը, ժամը 13-ին, Ժան Ռյուպպեպիսկոպոսը** իր եպիսկոպոսարանում **Ամենայն Հայոց Հայրապետի** պատվին կազմակերպում է ընդունելություն, որին ներկա են լինում հայ և օտար պաշտոնական անձնավորություններ: Ամենայն Հայոց Հայրապետը և Բյուրընկալ եպիսկոպոսը ճառեր և հուշանվերներ են փոխանակում:


**Հունիսի 7-ին, կիրակի օրը, Նիցցայի** հայ համայնքի եկեղեցական վարչության հրավերով և առաջնորդությամբ **Վեհափառ Հայրապետը** մեկնում է **Նիցցա**՝ ներկա լինելու և՛ ս. պատարագին, և՛ օրհնելու Իր հոգևոր զավակներին: **Նիցցայի** հայոց եկեղեցում պատարագ է մատուցում **տ. Հակոբ եպիսկոպոս Վարդանյանը**, քարոզում՝ **Վեհափառ Հայրապետը:**

Նույն օրը, ժամը 14-ին, **Նիցցայի** հայ համայնքը, ի պատիվ **Հայոց Հայրապետի**, «Նեգրեսկո» հյուրանոցի ճաշարանում կազմակերպում է ողջերթի ընդունելություն:


#### ՎԵՀԱՓԱՌ ԸԱՅՐԱՊԵՏԸ ԼԻՍԱԲՈՆՈՒՄ

**Հունիսի 8—11-ը Ամենայն Հայոց Հայրապետը** Գալուստ Կյուլպենկյան հիմնարկության նախագահ **դոկտ. Ազերեդո Պերտիգանի** մասնավոր հրավերով եղավ Լիսաբոնում, որպես հաստատության թանկագին հյուրը: Հայոց Հայրապետին ընկերակցում էին՝ **տ. Սերովբե արքեպ. Մանուկյանը**, **Նարեկ վրդ. Ծաքարյանը** և **Պարզև Ծահբազյանը:**


**Հունիսի 8-ին, երկուշաբթի օրը, ժամը 16-ին, Վեհափառ Հայրապետը** ժամանում է Լիսաբոնի օդանավակայանը, ուր դիմավորվում է Գալուստ Կյուլպենկյան հաստատության ղեկավար անձնակազմի կողմից՝ գլխավորությամբ



Հ. Ղ. ԱՒԻՇԱՆԻ ՖՈՒՂԱՆԵՐԿ ԿԿԱՐԸ. ԿՎԵՐ ՄԱՅՐ ԱԹՈՒՈՒՆ



Լիաբոն. Քաղաքի կուլտուրայի միջնակարգ դպրոցի սրահում անցավ Հայաստանի Հանրապետության կողմից Լիաբոնի քաղաքի կուլտուրայի միջնակարգ դպրոցի ուսուցիչներին և ուսանողներին պարգևատրելու արարողությունը:



Պրոտոգալիա, Վենաիստ Հայրապետը Բարսիլիս վանքի բակում

նախագահ դուրս **Ա. Պերտիզանի: Հայոց Հայրապետի** ժամանումը, հանուն **Լիսաբոնի** քաղաքային իշխանության, ողջունում է արտաքին գործոց նախարարության ներկայացուցիչը:

**Վեհափառ Հայրապետը** առաջնորդվում է «Տից» հյուրանոցը: Գիշերովս ժամը 21-ին **Վեհափառ Հայրապետը** ներկա է լինում «Կոլիզե» երաժշտական մեծ դահլիճում Կյուլպենկյան հաստատության կողմից կազմակերպված համերգին:

**Հունիսի 9-ին, երեքշաբթի օրը**, առավոտյան ժամը 10-ին, **Վեհափառ Հայրապետը** պաշտոնական այցելություն է տալիս Գալուստ Կյուլպենկյան հաստատության նորակառույց կենտրոնին, ուր շերտերեն դիմավորվում է և առաջնորդվում դեպի հաստատության պատվո դահլիճը: Այստեղ նախագահ **Ա. Պերտիզանը**, ի ներկայության հիմնարկության ողջ ղեկավար անձնակազմի, բարի գալուստ է մաղթում **Ամենայն Հայոց Հայրապետին: Վեհափառ Հայրապետը** Իր պատասխան ողջույնի խոսքի մեջ ոգեկոչում է հիշատակը մեծ բարձրար և Մայր Աթոռ ս. Էջմիածնի հարազատ գավաթ Գալուստ Կյուլպենկյանի և հետագա հաջողություններ է մաղթում Հաստատության մարդասիրական, մշակութային գործունեությանը: Այնուհետև **Վեհափառ Հայրապետը** այցելում է նորակառույց կենտրոնի բոլոր բաժինները և ապա «Գալուստ Կյուլպենկյան» թանգարանը և գրադարանը:

Հետմիջօրեի ժամը 15.30-ին **Ամենայն Հայոց Հայրապետը** պաշտոնական այցելություն է տալիս, ընկերակցությամբ Իր շքախմբի անդամների և մեծարգո դուրս **Պերտիզանի, Պորտուգալիայի** հանրապետության նախագահ **Ամերիկո Թոմասին**, ապա արտաքին գործոց նախարար դուրս **Ռոնի Պատրիսիոնի** և վերջում՝ վարչապետ **Մարսելյո Կայետանոյին: Հայոց Հայրապետի** և Պորտուգալիայի պետական բարձրաստիճանի ղեկավարների միջև տեղի է ունենում հարգալիր գրույց:


Երեկոյան ժամը 21-ին Գալուստ Կյուլպենկյան հաստատությանն նախագահությունը և ղեկավարությունը **Ամենայն Հայոց Հայրապետի** պատվին կազմակերպում են պաշտոնական ընդունելություն «Կաստելյո Դը Սան Ժորժ»-ում, որին ներկա են լինում Պորտուգալիայի արտաքին գործոց նախարար դուրս **Պատրիսիոն** իր հարգելի տիկնոջ հետ, պապական նվիրակ **մոնսենյոր Ջուզեպպե Մարիա Սենսին**, Լիսաբոնի կարդինալ-պատրիարքի ներկայացուցիչ **Կանոնիկոս դուրս Ժոան Դը Կաստրոն**, հայրապետական շքախմբի անդամները, Հաստատության նախագահը և բաժինների տնօրենները իրենց հարգելի տիկիներով, ինչպես նաև Հիմնարկության հայկական բաժնի աշխատակիցները: Ընդունելությունն անցնում է շերտ մթնոլորտում: **Հայոց Հայրապետը** և արտաքին գործոց նախարարը ճաներ են փոխանակում:

**Հունիսի 19-ին, չորեքշաբթի օրը**, առավոտյան ժամը 11-ին, **Վեհափառ Հայրապետը** Իր շքախմբով այցելում է **Լիսաբոնից** 250 կմ հեռավորության վրա գտնվող **Ֆաթիմայի** ուխտավայրը, ուր դիմավորվում է Պորտուգալիայի կարդինալ-պատրիարք **Էմմանուել Գոնսալես Սերեժեյրայի**, և Պորտուգալիայի շուրջ 20 թեմակալ եպիսկոպոսների կողմից: **Հայոց Հայրապետը** եկեղեցական թափոքով առաջնորդվում է Սրբուհու մատուռ-վկայարանը, ուր Իր աղոթքն անելուց հետո այցելում է Մայր եկեղեցին:

**Հունիսի 11-ին, հինգշաբթի օրը, Վեհափառ Հայրապետը** առավոտյան ժամը 10-ին այցելում է հիվանդանոցում **տեր և տիկին Ռոբերտ Կյուլպենկյաններին**, որոնք հունիսի 6-ին, շաբաթ օրը, ենթարկվել էին ավտոմոբիլա-



Վեհափար. Հարություն և Պորտուգալիայի սրբազան պատրիարքը արվում են Ֆաթիմայում



ՊՈՐՏՈՒԳԱԼԻԱ. ԲԱԹԱՎԻՍՅԻ ՎԱՆՔԸ (ԺԴ ԴԱՐ)

յին լուրջ վթարի: **Հայոց Հայրապետը** օրհնում է **տեր և տիկին Ռոբերտ Կյուպենկյաններին** և նրանց բարեմաղթում շուտափույթ ապաքինում:

**ՎԵՀԱՓԱՌ ՀԱՅՐԱՊԵՏԸ ԴԱՐՁՅԱԼ ՓԱՌԻՋՈՒՄ**

**Հունիսի 11-ին**, ժամը 12-ին, **Վեհափառ Հայրապետը** հրաժեշտ է առնում **Լիսաբոնից** և վերադառնում դարձյալ **Փարիզ**, ուր իջևանում է «Պլազա Աթեն» հյուրանոցում:

**Հունիսի 12-ին**, ուրբաթ օրը, ժամը 12-ին, **Վեհափառ Հայրապետին** են այցելում ս. Ղազարի ասպետները:

**ՈՂՋԵՐԹԻ ՄԵԾ ԸՆԴՈՒՆԵԼՈՒԹՅՈՒՆ**

**Հունիսի 12-ին**, գիշերվա ժամը 21-ին, **Փարիզի** առաջնորդարանը և եկեղեցական վարչությունն ու ազգային բոլոր կազմակերպությունները Հիստոն հյուրանոցի շքեղ դահլիճում կազմակերպում են, ի պատիվ **Հայոց Հայրապետի**, ողջերթի փառաշուք ընդունելություն՝ մասնակցությամբ 600 հրավիրյալների: Ընդունելությանը ներկա էին նաև հայ կաթողիկե և հայ ալետարանական համայնքների հոգևոր պետերը:

**Հունիսի 13-ին**, շաբաթ օրը, ժամը 14-ին, **Փարիզի** «Ծալե Դե զիլ» արվարձանում **Փարիզի** եկեղեցական վարչության անդամների ներկայությամբ **Վեհափառ Հայրապետը** ս. Գրիգոր Լուսավորչի Ա կարգի շքանշանով պարգևատրում է **Նուրհան Ֆրենկյանին** և **Գևորգ Պագրճյանին**՝ նրանց եկեղեցանվեր երկարամյա ծառայության համար:

Ժամը 15-ին հյուրանոցի Իր հարկաբաժնում **Վեհափառ Հայրապետին** է այցելում **Քյոլնի** հայ ուսանողական միության պատվիրակությունը՝ **Գարեգին արեղա Պենկյանի** գլխավորությամբ:

Նույն օրը, ժամը 16-ին, **Վեհափառ Հայրապետը** այցելում է **Ալֆորվիլի** քաղաքի քաղաքապետարանը, սպա նախագահում տեղի սպորտային մեծ պալատում Իր պատվին կազմակերպված համահայկական մեծ հանդիսությանը: Ալֆորվիլի քաղաքապետ **Ժոզեֆ Ֆրանչեսկին** ողջունում է **Հայոց Հայրապետի** ներկայությունը, որն իր պատասխան ճառում օրհնում է բոլոր ներկաներին՝ հայտնելով հայրապետական Իր բարձր գնահատությունը հանդիսության կազմակերպիչներին և ներկա գտնվող հայ ժողովրդի զավակներին: Այնուհետև **Հայոց Հայրապետը**, ընկերակցությամբ քաղաքապետի, համաժողովրդական մեծ թափորով, հետիոտն առաջնորդվում է այն փողոցը, որը քաղաքապետարանի որոշումով կրելու է անմահ Կոմիտաս վարդապետի սուրբ անունը: Խանդավառ մթնոլորտում **Վեհափառ Հայրապետը** կտրում է ժապավենը, իջեցնում է փողոցի ցուցանակը ծածկող ֆրանսիական պետական դրոշակը, և բոլորի հուզումնախառն աչքերի առջև պարզվում է փողոցի նոր անունը՝ «Բյու Կոմիտաս»: Այնուհետև կոմիտասյան նոր փողոցով **Վեհափառ Հայրապետը** առաջնորդվում է դեպի **Ալֆորվիլի** հայոց ս. Պողոս-Պետրոս եկեղեցին, ուր նախագահում է կիրակյանի ժամերգությամբ:

Երեկոյան ժամը 19-ին **Վեհափառ Հայրապետը Փարիզի** արքեպիսկոպոսի հրավերով առաջնորդվում է **Փարիզի** հոշակավոր Աստվածամոր տաճարը, ուր տեղի է ունենում Էկումենիկ աղոթք և արարողություն հատուկ ծրագրով, որին ներկա են լինում հայ և ֆրանսիացի բազմահազար հավատացյալներ: **Փարիզի** արքեպիսկոպոս **կարդինալ Մարտին** ողջունում է **Հայոց Հայրապե-**



տի ներկայությունը ս. Աստվածամոր տաճարի պատմական կամարների տակ: Հայոց Հայրապետը ընթերցում է Իր ողջույնի և օրհնության խոսքը ֆրանսերեն լեզվով: Ապա ելլու հոգևոր պետերը սուրբ սեղանի առաջ ողջագուրվում են ի համբույր սրբության:

Ավելի ուշ Փարիզի արքեպիսկոպոս կարդինալ Մարտին Հայոց Հայրապետի պատվին ընդունելություն է կազմակերպում իր արքեպիսկոպոսարանի պալատում:



Հայրապետական այցելության առիվ արտասահմանյան մամուլի արձագանքներ

**ՀԱՅՐԱՊԵՏԱԿԱՆ ՊԱՏԱՐԱԳ**

Հունիսի 14-ին, կիրակի օրը, առավոտյան ժամը 10.30-ին, Վեհափառ Հայրապետը Փարիզի հայոց ս. Հովհաննես Մկրտիչ եկեղեցում մատուցում է հանդիսավոր պատարագ և Բանին կենաց քարոզությամբ վերջին անգամ մխիթարում և ոգեշնչում Իր հավատացյալ զավակներին:

Երեկոյան ժամը 18-ին **Վեհափառ Հայրապետին** են այցելում Գևորգյան  
նենայանի մի խումբ մախկին սաներ՝ բոլորն էլ ծերունազարդ հասակում:

Ժամը 21-ին **Վեհափառ Հայրապետի** բարձր նախագահութեան ներքո  
**Փարիզի «Սալ Գալոյի»** շքեղ հանդիսաարահում տեղի է ունենում հոբելյանա-  
կան հանդիսություն սփյուռքահայ հայտնի մտավորական և «Էջմիածին» ամ-  
սագրի մնայուն աշխատակից **Հ. Ծ. Սիրունու** ծննդյան 80-ամյակի և գրական  
գործունեութեան 65-ամյակի առթիվ:

**Հունիսի 15-ին, երկուշաբթի օրը, Վեհափառ Հայրապետը** և՛ հյուրանո-  
ցում, և՛ առաջնորդարանում ընդունում է բազում այցելություններ:

Երեկոյան ժամը 21-ին **Փարիզի «Սալ Դը Շիմում»** տեղի է ունենում  
Մայր Աթոռում 1969 թվականի աշնանը եպիսկոպոսական ժողովի գումար-  
ման, սրբալույս մյուտոնի օրհնութեան և **Վեհափառ Հայրապետի** ծննդյան  
60-ամյակի հանդիսություններին նվիրված «Էջմիածին» գունավոր կինոնկարի  
ցուցադրությունը, որը պատրաստվել էր Երևանի կինոստուդիայում Մայր  
Աթոռի պատվերով:

#### ՎԵՀԱՓԱՌ ՀԱՅՐԱՊԵՏԸ ՎԵՐԱԴԱՌՆՈՒՄ Է ՄԱՅՐ ԱԹՈՒ

Հունիսի 17-ին **Վեհափառ Հայրապետը** հրաժեշտ է առնում **Փարիզից** և  
ամսի 20-ին, շաբաթ օրը, Մոսկվա—Երևան երթուղիով ժամանում Մայր Ա-  
թոռ՝ շուրջ մեկ ու կես ամսվա հովվապետական այցելությունից հետո:

Երևանի օրանավակայանում Վեհափառ Հայրապետի ժամանումը ողջու-  
նում են Մայր Աթոռի միաբանությունը, Գերագույն հոգևոր խորհրդի անդամ-  
ները, վանքի պաշտոններությունը և այլ անձնավորություններ՝ գլխավորությամբ  
յուսարարապետ տ. Հայկազուն արքեպիսկոպոսի:

Օրանավակայանում Հայոց Հայրապետին բարի գալուստ է մաղթում նաև  
ՀՍՍՀ Մինիստրների սովետին առընթեր հայ եկեղեցու գործերի խորհրդի  
նախագահի տեղակալ Ս. Հովհաննիսյանը:

**Հունիսի 21-ին, կիրակի օրը,** Մայր տաճարում ս. պատարագի ընթաց-  
քում Իր քարոզի մեջ **Վեհափառ Հայրապետը** խոսում է Իր վերջին ուղևորու-  
թյան հոգևոր, եկեղեցական, հայրենասիրական նշանակութեան մասին՝ մայր  
հայրենիքի հայությանը հաղորդելով Իր այցելած երկրների եկեղեցական հայ  
համայնքների ողջույնն ու բարեմաղթությունները:

